



Na osnovu člana 47. stav 1. Poslovnika o radu Općinskog vijeća Lukavac ("Službeni glasnik općine Lukavac", broj: 5/06, 2/09 i 5/09), a u vezi sa članom 19. i 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj 1/22), Predsjedavajući Gradskog vijeća upućuje

P O Z I V

za nastavak **27. i 28.** redovnu sjednicu Gradskog vijeća Lukavac, koja će se održati dana **26.04.2024. godine (petak)** sa početkom **u 09,30 sati** u sali Policijske uprave Lukavac i za istu predlaže slijedeći

DNEVNI RED

1. Razmatranje prijedloga i donošenje Odluke o davanju u zakup poslovnih prostorija neposrednom pogodbom
2. Razmatranje prijedloga i donošenje Odluke o izmjenama i dopunama Odluke o bezbjednosti i organizaciji saobraćaja na putevima
3. Razmatranje prijedloga i donošenje Odluke o komunalnim taksama
4. Razmatranje i davanje saglasnosti na Odluku Nadzornog odbora JP „Rad“ doo Lukavac o utvrđivanju cijena definisanih Programom održavanja javne rasvjete na području Grada Lukavac za 2024.godinu
5. Razmatranje i davanje saglasnosti na Odluku Nadzornog odbora JP „Rad“ doo Lukavac o utvrđivanju cijena usluga definisanih Programom održavanja čistoće i javnih površina na području Grada Lukavac za 2024.godinu
6. Razmatranje i davanje saglasnosti na Odluku Nadzornog odbora JP „Rad“ doo Lukavac o utvrđivanju cijena komunalnih usluga
7. Razmatranje i davanje saglasnosti na Odluku Nadzornog odbora JP „Rad“ doo Lukavac o utvrđivanju cijena usluge prikupljanja, odvoza i deponovanja komunalnog otpada za privredne subjekte
8. Razmatranje i usvajanje prijedloga Programa održavanja horizontalne i vertikalne signalizacije za 2024.godinu
9. Razmatranje i davanje saglasnosti na Odluku Nadzornog odbora JP „Putevi i komunikacije“ d.o.o. Lukavac o cijenama održavanja horizontalne signalizacije
10. Razmatranje i usvajanje Plana rada sa finansijskim planom JU „Centar za kulturu“ Lukavac za 2024.godinu
11. Razmatranje i usvajanje Izvještaj o radu i finansijskom poslovanju Turističke zajednice Grada Lukavac za period od 01.01.2023. - 31.12.2023.godine
12. Akti imovinsko-pravne prirode:
 - a) Razmatranje Prijedloga i donošenje Rješenja za utvrđivanje Javnog interesa za uređenje i zaštitu močvare „Mosorovac“ broj: 02-27-2444/22 od 17.04.2024.godine
 - b) Razmatranje Prijedloga i donošenje Rješenja za utvrđivanje Javnog interesa za napredovanje rudarskih radova na dobijanju uglja i otkrivke u otkopnom prostoru u okviru odobrenog eksploatacionog polja Pogona „Šikulje“ u Lukavcu, a za potrebe Rudnika uglja „Kreka“ u Tuzli doo, broj: 02-27-2836/23 od 04.01.2024.godine
 - c) Prijedlog Zaključka kojim se daje saglasnost Mjesnoj zajednici Šikulje-Prline za izvođenje radova na izgradnji sportskih terena i dječijih igraonica u Šikuljama broj: 02-27-1060/24 od 16.04.2024.godine
13. Vijećnička pitanja i inicijative:
 - Razmatranje građanske inicijative za sanaciju makadamskog puta u MZ Lukavac Mjesto-Karići

NAPOMENA:

U Stručnu službu nije dostavljen materijal za tačku 9. davanje saglasnosti na Odluku Nadzornog odbora JP „Putevi i komunikacije“ d.o.o. Lukavac o cijenama održavanja horizontalne signalizacije nij

PREDSJEDAVAJUĆI
GRADSKOG VIJEĆA
Suad Salibašić, dipl.ecc., s.r.





Broj: 02-02-692-1/24
Lukavac, 16.04.2024.godine

ODLUKU
o davanju u zakup poslovnih prostorija neposrednom pogodbom

PREDLAGAČ: Gradonačelnik

OBRAĐIVAČ: Služba za komunalne i inspeksijske poslove

RAZMATRA: Gradsko vijeće



Na osnovu člana 13. Zakona o principima lokalne samouprave („Službene novine Federacije BiH“, broj 49/06 i 51/09), člana 7. Statutarne Odluke o organizaciji Grada Lukavca u skladu sa Zakonom o Gradu Lukavac („Službeni glasnik grada Lukavca“, broj: 1/22), člana 32. Statuta općine Lukavac („Službeni glasnik općine Lukavac“, broj: 5/08 i 1/14) i člana 16., a u vezi sa članom 21.a Odluke o davanju u zakup poslovnih zgrada, poslovnih prostorija i garaža u vlasništvu općine Lukavac („Službeni glasnik općine Lukavac“, broj: 5/18, 7/18 i 8/23), Gradsko vijeće Lukavac na ___ redovnoj sjednici održanoj dana ____ .2024.godine, d o n o s i

ODLUKU o davanju u zakup poslovnih prostorija neposrednom pogodbom

Član 1.

Ovom Odlukom dodjeljuju se JU „Centar za kulturu Lukavac“ u zakup neposrednom pogodnom poslovne prostorije u vlasništvu grada Lukavac, i to objekat „Vila Solvay“ i pomoćne prostorije izgrađene na parceli označenoj kao katastarska čestica broj: 2746, k.o. Lukavac.

Član 2.

Poslovne prostorije iz člana 1. ove Odluke dodjeljuju se u zakup na period od pet godina, s tim da se po isteku ovog perioda zakupni odnos može produžiti, uz saglasnost obje strane.

JU „Centar za kulturu Lukavac“ može, uz prethodnu saglasnost zakupodavca, poslovne prostorije iz člana 1. ove Odluke izdavati u podzakup.

Član 3.

Poslovne prostorije iz člana 1. ove Odluke oslobođene su plaćanja zakupnine.

Član 4.

Detaljni uslovi zakupa poslovnih prostorija regulisat će se ugovorom koga će kojeg će u ime grada Lukavca sa navedenom javnom ustanovom zaključiti Gradonačelnik ili lice koje on ovlasti, u skladu sa Odlukom o davanju u zakup poslovnih zgrada, poslovnih prostorija i garaža u vlasništvu općine Lukavac.

Član 5.

Ova Odluka stupa na snagu danom objavljivanja u „Službenom glasniku grada Lukavac“.

PREDSJEDAVAJUĆI GRADSKOG VIJEĆA
Salibašić Suad, dipl.ecc

O B R A Z L O Ž E N J E

PRAVNI OSNOV ZA DONOŠENJE

Pravni osnov za donošenje ove Odluke su član 13. Zakona o principima lokalne samouprave („Službene novine Federacije BiH“, broj 49/06 i 51/09) - (u daljem tekstu: Zakon), član 7. Statutarne Odluke o organizaciji Grada Lukavca u skladu sa Zakonom o Gradu Lukavac („Službeni glasnik grada Lukavca“, broj: 1/22), član 32. Statuta općine Lukavac („Službeni glasnik općine Lukavac“, broj: 5/08 i 1/14) - (u daljem tekstu: Statut) i član 16., a u vezi sa članom 21.a Odluke o davanju u zakup poslovnih zgrada, poslovnih prostorija i garaža u vlasništvu općine Lukavac („Službeni glasnik općine Lukavac“, broj: 5/18, 7/18 i 8/23) – (u daljem tekstu: Odluka).

O B R A Z L O Ž E N J E P O J E D I N I H R J E Š E N J A

Članom 8. Zakona propisano je da jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona, te da u vlastite nadležnosti jedinice lokalne samouprave, između ostalog, spada i utvrđivanje politike korištenja i utvrđivanje visine naknada za korištenje javnih dobara i utvrđivanje politike upravljanja i raspolaganja imovinom jedinice lokalne samouprave.

Članom 13. Zakona propisano je da Vijeće u okviru svojih nadležnosti donosi i odluke o upravljanju i raspolaganju imovinom jedinice lokalne samouprave.

Član 32. Statuta općine Lukavac također propisuje da Vijeće u okviru svojih nadležnosti donosi odluke o upravljanju i raspolaganju imovinom Općine.

Članom 16. Odluke o davanju u zakup poslovnih zgrada, poslovnih prostorija i garaža u vlasništvu općine Lukavac („Službeni glasnik općine Lukavac“, broj: 5/18, 7/18 i 8/23) propisano da Općinsko vijeće Lukavac može, na prijedlog općinske službe nadležne za stambene poslove, dati u zakup poslovne prostore neposrednom pogodbom, bez provođenja postupka javnog oglašavanja, između ostalog i javnim ustanovama i javnim preduzećima čiji je osnivač ili suosnivač općina Lukavac.

Članom 21.a Odluke propisano je da su od plaćanja zakupnine oslobođene poslovne prostorije dodijeljene javnim ustanovama čiji je osnivač grad Lukavac na upravljanje i korištenje, a koje se finansiraju ili sufinansiraju iz Budžeta grada Lukavca, te da će se odnosi između grada Lukavca, kao zakupodavca i javnih ustanova, kao zakupca, u vezi sa oslobađanjem plaćanja zakupnine regulisati ugovorom, kojeg će u ime grada Lukavca sa zakupcima zaključiti Gradonačelnik ili lice koje on ovlasti.

Uzimajući u obzir naprijed navedeno, kao i činjenicu da je nad predmetnom građevinom, kao jednim od segmenata kulturne baštine grada Lukavca, potrebno odrediti lice koje je dužno vršiti njeno tekuće odžavanje, te da je JU „Centar za kulturu“ Lukavac, kao pravni subjekt osnovan od strane Gradskog vijeća ovlašten za obavljanje poslova iz oblasti kulture, nauke i sporta, sačinjen je tekst Odluke o davanju u zakup predmetnih poslovnih prostorija neposrednom pogodbom JU „Centar za kulturu“ Lukavac i ista se dostavlja Gradskom vijeću u formi prijedloga na razmatranje i usvajanje.

OBRADIVAČ:

M.B.

GRADONAČELNIK
Dr. Sci. Edin Delić



Broj: 02-23-551-1/24
Lukavac, 15.04.2024.godine

PRIJEDLOG

O D L U K U
o izmjenama i dopunama Odluke o bezbjednosti i organizaciji saobraćaja
na putevima grada Lukavca

PREDLAGAČ: Gradonačelnik

OBRAĐIVAČ: Služba za komunalne i inspeksijske poslove

RAZMATRA: Gradsko vijeće



Na osnovu člana 32. Statuta Općine Lukavac ("Službeni glasnik Općine Lukavac", broj: 5/08 i 1/14), člana 26. Statutarne Odluke o organizaciji Grada Lukavac u skladu sa Zakonom o Gradu Lukavac („Službeni glasnik Grada Lukavac“, broj: 1/22) i člana 2. Zakona o osnovama bezbjednosti saobraćaja na putevima u BiH („Službeni glasnik BiH“, broj: 6/06, 75/06, 44/07, 84/09, 48/10, 18/13, 8/17, 89/17 i 9/18), Gradsko vijeće Lukavac, na sjednici održanoj dana _____, donosi

ODLUKA
o izmjenama i dopunama Odluke o bezbjednosti i organizaciji saobraćaja
na putevima grada Lukavca

Član 1.

U Odluci o bezbjednosti i organizaciji saobraćaja na putevima grada Lukavca („Službeni glasnik općine Lukavac“, broj: 13/23) - (u daljem tekstu: Odluka), u članu 61. stavu 2. iza riječi „komunalna inspekcija“, tačka se zamjenjuje zarezom, te dodaju riječi: „kao i pravno ili fizičko lice kome je povjerena djelatnost upravljanja javnim parkiralištima za poduzimanje mjera koje se odnose na upravljanje javnim parkiralištima“.

Član 2.

U članu 67. stav 1. Odluke iza alineje 2. dodaje se nova alineja 3. i glasi:
„3. ako javne parkinge koristi suprotno odredbama člana 35. ove Odluke“

Član 3.

Iza člana 67. Odluke dodaje se novi član 67.a i glasi:

„Član 67.a

Pravno ili fizičko lice kome je povjerena djelatnost upravljanja javnim parkiralištima (u daljem tekstu: upravitelj javnih parkirališta), u slučaju počinjenja prekršaja iz člana 35. ove Odluke, dužno je sačiniti zapisnik, koji treba da sadrži podatke o učinjenom prekršaju, opis radnji koji određuju pravnu kvalifikaciju prekršaja, vrijeme i mjesto počinjenja prekršaja sa fotografijama sa lica mjesta, podatke o učioniocu prekršaja i druge okolnosti neophodne za određivanje prekršaja.

Upravitelj javnih parkirališta dužan je vlasniku motornog vozila sa kojim je učinjen prekršaj poslati obavijest o učinjenom prekršaju i pozvati ga da se u roku 8 dana izjasni o okolnostima prekršaja.

Vlasnik, odnosno nosilac prava raspolaganja motornim vozilom dužan je upravitelju javnim parkiralištima u roku od 8 dana od dana dostavljene obavijesti o učinjenom prekršaju se izjasniti o svim okolnostima prekršaja, kao i dati podatke o identitetu vozača, odnosno lica koje je upravljalo motornim vozilom u vrijeme počinjenja prekršaja, a u suprotnom će kaznu platiti vlasnik, odnosno nosilac prava raspolaganja motornim vozilom.

Nakon provedenog prekršajnog postupka, ukoliko utvrdi da postoje zakonom propisani uvjeti, upravitelj javnim parkiralištima će izdati prekršajni nalog i uručiti ga počiniocu na način propisan odredbama 56. stav 2. Zakona o prekršajima FBiH („Službene novine Federacije BiH“, broj: 63/14, 41/22 i 68/22).

U slučaju plaćanja izrečene novčane kazne u roku ne dužem od osam dana od dana izdavanja prekršajnog naloga, počinitelj se oslobađa plaćanja 50% iznosa izrečene novčane kazne.“

Član 4.

Odluka stupa na snagu danom objavljivanja "Službenom glasniku grada Lukavac".

PREDSJEDAVAJUĆI
GRADSKOG VIJEĆA
Suad Salibašić, dipl.ecc.

O B R A Z L O Ž E N J E

PRAVNI OSNOV ZA DONOŠENJE

Pravni osnov za donošenje ove Odluke su član 32. Statuta Općine Lukavac ("Službeni glasnik Općine Lukavac", broj: 5/08 i 1/14), član 26. Statutarne Odluke o organizaciji Grada Lukavac u skladu sa Zakonom o Gradu Lukavac („Službeni glasnik Grada Lukavac“, broj: 1/22) i član 2. Zakona o osnovama bezbjednosti saobraćaja na putevima u BiH („Službeni glasnik BiH“, broj: 6/06, 75/06, 44/07, 84/09, 48/10, 18/13, 8/17, 89/17 i 9/18).

OBRAZLOŽENJE POJEDINIH RJEŠENJA

Članom 2. Zakona o osnovama bezbjednosti saobraćaja na putevima u BiH propisano je da organi Bosne i Hercegovine, entitetski i kantonalni organi i organi Brčko Distrikta Bosne i Hercegovine i organi lokalne samouprave i lokalne uprave u gradovima i opštinama obezbijediće sprovođenje ovog zakona i u okviru svoje nadležnosti donosiće propise i preduzimaće druge potrebne mjere za njegovo dosljedno sprovođenje.

U članu 8. stav 3. alineja 11. Zakona o principima lokalne samouprave u FBiH („Službene novine FBiH“, broj: 49/06 i 51/09) propisano je da u vlastite nadležnosti jedinice lokalne samouprave posebno spadaju: upravljanje, finansiranje i unapređenje djelatnosti i objekata lokalne komunalne infrastrukture, i to: vodosnabdijevanje, odvođenje i prerada otpadnih voda, prikupljanje i odlaganje čvrstog otpada, održavanje javne čistoće, gradska groblja, lokalni putevi i mostovi, ulična rasvjeta, javna parkirališta i parkovi.

Članom 2. Odluke o povjeravanju naplate parkiranja na području općine Lukavac, propisano je da prilikom upravljanja javnim parkiralištima na području općine Lukavac, davalac usluga ima slijedeća prava i obaveze: organizovanje procesa pružanja usluge, i to: naplate, nadzora i kontrole naplate parkiranja, ljetno i zimsko održavanje, uređenje i obilježavanje parking površina, redovno čišćenje parking automata i opreme od snijega, leda i prašine.

Zakonom o prekršajima FBiH („Službene novine Federacije BiH“, broj: 63/14, 41/22 i 68/22), propisan je najniži i najviši iznos novčane kazne za učinjene prekršaje, kao i uslovi za pokretanje prekršajnog postupka i izdavanje prekršajnog naloga.

Imajući u vidu naprijed navedeno, Služba je sačinila Odluku o izmjenama i dopunama Odluke o bezbjednosti i organizaciji saobraćaja na putevima grada Lukavca i istu u formi prijedloga dostavlja Gradskom vijeću na razmatranje i usvajanje

OBRAĐIVAČ: M.B.

GRADONAČELNIK
Dr. Sci. Edin Delić



Broj: 02-02-1265/24
Lukavac, 17.04.2024.godine

PRIJEDLOG

O D L U K A
O IZMJENAMA ODLUKE O KOMUNALNIM TAKSAMAMA

PREDLAGAČ: Gradonačelnik

OBRAĐIVAČ: Služba za komunalne i inspeksijske poslove

RAZMATRA: Gradsko vijeće

Strana 1 od 3



ISO 9001:2015
No. 308550 QM15

Grad Lukavac - Gradonačelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

Na osnovu člana 13. Zakona o principima lokalne samouprave („Službene novine Federacije BiH“, broj: 49/06 i 51/09), člana 6. stav 2. Zakona o komunalnim djelatnostima – prečišćen tekst („Sl. novine TK-a“, broj: 11/21) i člana 32. Statuta Grada Lukavac („Službeni glasnik Grada Lukavac“, broj: 5/08 i 1/14), Gradsko vijeće Grada Lukavac na 28. redovnoj sjednici održanoj dana ____ . godine, donijelo je

O D L U K U
o izmjeni Odluke o komunalnim taksama

Član 1.

U Odluci o komunalnim taksama („Službeni glasnik općine Lukavac“ br. 10/09, 2/10, 3/16, 10/16, 8/17, 3/21 i 3/24) u članu 10. stav 1. mijenja se datum tako da umjesto riječi “30. aprila“ treba da stoji „1. jula“.

Član 2.

Ostali članovi Odluke ostaju nepromijenjeni.

Član 3.

Odluka stupa na snagu danom objave u „Službenom glasniku Grada Lukavac“.

PREDSJEDAVAJUĆI
GRADSKOG VIJEĆA
Suad Salibašić, dipl.ecc.

OBRAZLOŽENJE

PRAVNI OSNOV ZA DONOŠENJE

Pravni osnov za donošenje ove Odluke je član 13. Zakona o principima lokalne samouprave („Službene novine Federacije BiH“, broj: 49/06 i 51/09), član 6. stav 2. Zakona o komunalnim djelatnostima – prečišćen tekst („Sl. novine TK-a“, broj: 11/21) i član 32. Statuta Grada Lukavac („Službeni glasnik Grada Lukavac“, broj: 5/08 i 1/14).

OBRAZLOŽENJE POJEDINIH RJEŠENJA

Presudom Ustavnog Suda U-12/23 od 22.11.2023. godine utvrđeno je da je član 3. stav 1, 2 i 3 u dijelovima koji se odnose na koeficijent djelatnosti, Odluke o komunalnim taksama („Službeni glasnik općine Lukavac“ br. 10/09, 2/10, 3/16, 10/16, 8/17 i 3/21) neustavan.

Zbog gore navedenog prolongira se rok za razrez i naplatu komunalne takse dok se Odluka o komunalnim taksama ne uskladi sa presudom Ustavnog suda.

OBRAĐIVAČ: M.B.

GRADONAČELNIK
Dr.Sci. Edin Delić



Broj: 02-02-1265/24
Lukavac, 17.04.2024.godine

PRIJEDLOG

**PROGRAM
ODRŽAVANJA HORIZONTALNE I VERTIKALNE SIGNALIZACIJE ZA 2024. GODINU**

PREDLAGAČ: Gradonačelnik

OBRAĐIVAČ: Služba za komunalne i inspekcijske poslove

RAZMATRA: Gradsko vijeće

Strana 1 od 5



ISO 9001:2015
No. 308550 QM15

Grad Lukavac - Gradonačelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

Na osnovu člana 5. Odluke načinu organizovanja poslova u vršenju komunalnih djelatnosti („Službeni glasnik grada Lukavac“, broj: 5/22, 1/23, 9/23 i 15/23), člana 7. Statutarne Odluke o organizaciji Grada Lukavca u skladu sa Zakonom o Gradu Lukavac („Službeni glasnik grada Lukavca“, broj: 1/22) i člana 32. Statuta općine Lukavac („Službeni glasnik općine Lukavac“, broj 5/08 i 1/14) Gradsko vijeće Lukavac na 28. redovnoj sjednici održanoj _____.2024. godine usvojilo je

PROGRAM ODRŽAVANJA HORIZONTALNE I VERTIKALNE SIGNALIZACIJE ZA 2024. GODINU

UVOD

Ovim Programom održavanja horizontalne i vertikalne signalizacije za 2024.godinu, u skladu sa predvidivim sredstvima i izvorima finansiranja, određuje se opis i obim poslova održavanja horizontalne i vertikalne signalizacije na području grada Lukavac.

Članom 3. Zakona o komunalnim djelatnostima TK ("Službene novine Tuzlanskog kantona", broj: 11/21 - prečišćen tekst), propisano je da u komunalne djelatnosti spada i održavanje javnih površina. Članom 4. istog Zakona dalje je definisano šta spada pod pojam održavanja javnih površina, te je između ostalog navedeno i „održavanje javnih prometnih površina“.

Zakonom o cestama Federacije Bosne i Hercegovine ("Službene novine FBiH", broj: 12/10, 16/10 i 66/13) propisano je pod radove redovnog održavanja prometnih površina spada i „izrada i postavljanje horizontalne i vertikalne signalizacije, svjetlosno-sigurnosnih uređaja, zamjena, popravka i uklanjanje oštećene i nepotrebne saobraćajne signalizacije i opreme ceste“.

Članom 5. Odluke načinu organizovanja poslova u vršenju komunalnih djelatnosti („Službeni glasnik grada Lukavac“, broj: 5/22, 1/23, 9/23 i 15/23) propisano je da se JP „Putevi i komunikacije“ doo Lukavac povjerava se održavanje, upravljanje, organizacija i naplata javnih parking prostora, održavanje horizontalne i vertikalne signalizacije javnih prometnih površina, a može im se povjeriti i djelatnost javnog prevoza putnika, ako ista nije dodijeljena pravnom ili fizičkom licu na osnovu ugovora o povjeravanju komunalnih poslova.

S tim u vezi, Odlukom Gradskog vijeća, a u skladu sa članom 8. Zakona o komunalnim djelatnostima TK, održavanje horizontalne i vertikalne signalizacije povjereno je JP "PIK" doo Lukavac i koje ove djelatnosti obavlja na osnovu ugovora koji zaključuje Gradonačelnik ili lice koje on ovlasti za zaključivanje ovog ugovora. Navedeni ugovor se zaključuje na osnovu godišnjeg Programa održavanja.

U Budžetu općine Lukavac za 2024.godinu u Službi za komunalne i inspeksijske poslove na ekonomskom kodu 613 724 01, pozicija Održavanje cesta, infrastrukturnih objekata, lokalnih nerazvrstanih cesta i sl. planirana su sredstva za ostvarivanja ovog Programa u iznosu od 130.000,00 KM.

Na osnovu naprijed navedenog, radovi i materijali koji su neophodni za održavanje horizontalne i vertikalne signalizacije na području grada Lukavac za 2024. godinu su prikazani u tabeli 1. i tabeli 2., kako slijedi:

tabela 1.

1. HORIZONTALNA SIGNALIZACIJA

R/B	Opis pozicije	Jedinica mjere
1.	Izrada pune tankoslojne uzdužne oznake na kolovozu s jednokomponentnom bijelom bojom, uključujući 250 g/m ² posipa s	m ¹

	komadićima/kuglicama stakla, mašinski, debljina sloja suhe materije 250 μm , širina crte 12 cm	
2.	Izrada isprekidane tankoslojne uzdužne oznake na kolovozu s jednokomponentnom bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 250 μm , širina crte 12 cm (bruto)	m ¹
3.	Izrada tankoslojne poprečne oznake na kolovozu bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm , širina crte 50 cm (pješački prelaz + zaustavne linije – neto)	m ²
4.	Izrada tankoslojne oznake na kolovozu – „ostrvo bruto“ bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm	m ²
5.	Izrada tankoslojne oznake na kolovozu – „jednosmjerna strelica“ bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm , „pravo“	kom
6.	Izrada tankoslojne oznake na kolovozu – „jednosmjerna strelica“ bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm , „lijevo ili desno“	kom
7.	Izrada tankoslojne oznake na kolovozu – „dvosmjerna strelica“ bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm , „lijevo i desno“	kom
8.	Izrada tankoslojne oznake na kolovozu – „dvosmjerna strelica“ bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm , „pravo i lijevo ili desno“	kom
9.	Izrada tankoslojne oznake na kolovozu – „trosmjerna strelica“ bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm	kom
10.	Izrada tankoslojne oznake na kolovozu – „natpis STOP“ bijelom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm	kom
Žuta boja		
11.	Izrada tankoslojne poprečne oznake na kolovozu žutom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm - bruto	m ²
12.	Izrada tankoslojne oznake na kolovozu – „neto“ žutom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm	m ¹
13.	Izrada tankoslojne oznake na kolovozu – „natpis TAXI“ žutom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm	kom
14.	Izrada tankoslojne oznake na kolovozu – „znak za invalide“ žutom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm	kom
15.	Izrada tankoslojne oznake na kolovozu crvenom bojom, uključujući 250 g/m ² posipa s komadićima/kuglicama stakla, mašinski, debljina sloja suhe materije 300 μm - neto	m ²
16.	Iscrtavanje horizontalne signalizacije hladnom plastikom	m ²
17.	Iscrtavanje horizontalne signalizacije hladnom plastikom crvene boje	m ²

tabela 2.

2. VERTIKALNA SIGNALIZACIJA

R/B	Opis pozicije	Jedinica mjere
1.	Vraćanje isčupanog saobraćajnog znaka sa ponovnim iskopom zemlje, sa izradom betonskog temelja MB 20, zagrtanjem i nabijanjem	kom
2.	Popravka – peglanje saobraćajnog znaka sa demontažom i ponovnom montažom istog na postojeći stub	kom
3.	Uklanjanje nepotrebnog saobraćajnog znaka	kom
4.	Uklanjanje nepotrebnog stuba saobraćajnog znaka	kom

U slučaju da lice kome su povjereni poslovi održavanja horizontalne i vertikalne signalizacije iz opravdanih razloga nije u stanju da postupi po nalogu Službe, Grad Lukavac može obavljanje tog dijela poslova privremeno, do okončanja predmetnih radova, povjeriti drugom pravnom licu koje ispunjava uslove za obavljanje komunalnih djelatnosti propisane Zakonom o komunalnim djelatnostima, a prema cjenovniku usvojenom od strane Gradskog vijeća.

U slučaju da Davalac usluga zbog nedostatka ili neispravnosti mehanizacije - opreme nije u mogućnosti izvršiti neke od naloženih radova koji imaju karakter hitnosti, dužan je angažovati mehanizaciju – opremu drugih lica, a prema cjenovniku usvojenom od strane Gradskog vijeća.

Radove po ovom Programu Davalac usluga će vršiti po usmenom ili pismenom nalogu Nadzornog organa.

U slučaju da lice kome su povjereni poslovi održavanja horizontalne i vertikalne signalizacije bez opravdanog razloga ne obavlja poslove po nalogu Službe u periodu dužem od 15 dana, Grad ima pravo raskida ugovora i prije isteka perioda na koji je zaključen, u kom slučaju se provodi postupak za izbor lica za obavljanje poslova održavanja horizontalne i vertikalne signalizacije, u skladu sa odredbama Zakona o komunalnim djelatnostima.

PREDSJEDAVAJUĆI
GRADSKOG VIJEĆA
Suad Salibašić, dipl.ecc.

OBRAZLOŽENJE

PRAVNI OSNOV ZA DONOŠENJE

Pravni osnov za donošenje Programa održavanja čistoće i javnih površina sadržan je u članu 5. Odluke o načinu organizovanja poslova u vršenju komunalnih djelatnosti („Službeni glasnik grada Lukavac“, broj: 5/22, 1/23, 9/23 i 15/23).

RAZLOG ZA DONOŠENJE

Razlog za donošenje ove Odluke je obaveza poštivanja odredbi Odluke o načinu organizovanja poslova u vršenju komunalnih djelatnosti.

OBRAZLOŽENJE POJEDINIH RJEŠENJA

Odlukom o načinu organizovanja poslova u vršenju komunalnih djelatnosti propisano je da se obavljanje komunalnih djelatnosti zajedničke komunalne potrošnje povjerava kako slijedi :

1. JP „RAD“ doo Lukavac, povjeravaju se slijedeće djelatnosti:
 - a) snadbijevanje toplotnom energijom putem centralnog daljinskog sistema grijanja;
 - b) održavanje čistoće i zimske službe održavanja;
 - c) prikupljanje i odvoženje komunalnog otpada ne deponiju, odlaganje komunalnog otpada i sanacija divljih deponija;
 - d) održavanje javnih površina i hortikulture, izuzev poslova održavanja horizontalne i vertikalne signalizacije javnih prometnih površina;
 - e) upravljanje i održavanje gradskog groblja;
 - f) upravljanje i održavanje gradske tržnice, kao i lokalne pijace ponedjeljkom;
 - g) održavanje javne rasvjete;
 - h) dekorisanje.
2. JP „Veterinarska stanica“ doo Lukavac povjerava se djelatnost obavljanja kafilerijskih poslova i tretmana napuštenih životinja u naseljenim sredinama.
3. JP „Putevi i komunikacije“ doo Lukavac povjerava se održavanje, upravljanje, organizacija i naplata javnih parking prostora, održavanje horizontalne i vertikalne signalizacije javnih prometnih površina, a može im se povjeriti i djelatnost javnog prevoza putnika, ako ista nije dodijeljena pravnom ili fizičkom licu na osnovu ugovora o povjeravanju komunalnih poslova.
4. JP „Vodovod i kanalizacije“ doo Lukavac povjerava se djelatnost snadbijevanja pitkom vodom putem gradskog vodovodnog sistema i odvođenja i prečišćavanja otpadnih i odvođenja oborinskih voda putem gradskog kanalizacionog sistema;
5. pravnom ili fizičkom licu na osnovu ugovora o povjeravanju komunalnih poslova povjerava se djelatnost javnog prevoza putnika i obavljanje dimnjačarskih poslova.
6. mjesnim zajednicama povjeravaju se djelatnosti:
 - a) snadbijevanje pitkom vodom putem mjesnog vodovodnog sistema koji služi za snadbijevanje vodom za piće manje od 500 stanovnika, ukoliko isti posjeduju;
 - b) održavanje groblja lokalnog značaja;
 - c) održavanje mjesne pijace/tržnice, ako za iste imaju uređen odgovarajući prostor i ukoliko su registrovane za obavljanje ove komunalne djelatnosti;
 - d) čišćenje putnog pojasa i zimsko održavanje nekategorisanih puteva, kada je takav angažman finansijski opravdan;
 - e) čišćenje komunalnog otpada i sanacija divljih deponija, po ukazanoj potrebi.

Članom 6. Odluke propisano je da će se gore navedene komunalne djelatnosti obavljati u skladu sa Zakonom o komunalnim djelatnostima, odredbama ove Odluke i ugovorom kojeg, na osnovu godišnjeg Programa obavljanja poslova komunalnih djelatnosti, sa davaocem usluga zaključuje služba za komunalne poslove.

S tim u vezi, Služba je sačinila Program održavanja horizontalne i vertikalne signalizacije za 2024. godinu i isti u formi prijedloga upućuje Gradskom Vijeću Lukavac na razmatranje i usvajanje.

OBRAĐIVAČ: M.B.

GRADONAČELNIK
Dr.Sci. Edin Delić

Bosna i Hercegovina

Federacija BiH

Tuzlanski kanton

Grad Lukavac

JAVNA USTANOVA CENTAR ZA KULTURU LUKAVAC

info@czklukavac.ba

PROGRAM RADA SA FINANSIJSKIM PLANOM ZA 2024. GODINU

JAVNA USTANOVA CENTAR ZA KULTURU LUKAVAC

Lukavac, 2024.

SADRŽAJ

Programski zadaci i ciljevi JU Centar za kulturu Lukavac za 2024. godinu

- 1. Realizacija zadataka u skladu sa osnovnom djelatnošću JU Centar za kulturu Lukavac**
- 2. Programske aktivnosti iz oblasti kulture, umjetnosti i edukacije**
 - Festival pozorišta za djecu
 - Festival „Pet dana komedije“
 - Pjesnički memorijali
 - Dani Asima Horozića
- 3. Centar za zdravo i kreativno odrastanje**
- 4. Realizacija sadržaja u okviru rada Gradske biblioteke**
- 5. Realizacija sportsko – rekreativnih sadržaja**
- 6. Obilježavanje značajnih datuma**
- 7. Apliciranje na projekte kod viših nivoa vlasti**
- 8. Infrastrukturni projekti - rekonstrukcija i adaptacija prostora u okviru JU Centar za kulturu Lukavac i nabavka opreme za rad**

UVOD

U okviru Centra za kulturu Lukavac, kao javne ustanove od šireg društvenog i kulturnog značaja, koja za cilj ima promociju i afirmaciju kulture i umjetnosti na području Grada Lukavac djeluju:

- Gradska biblioteka,
- Kuglana,
- Kino/Koncertna/Pozorišna dvorana,
- Sportska dvorana

Pored navedenih osnovnih djelatnosti, Centar se bavi i djelatnostima kratkoročnog i dugoročnog najma prostorija, koje su u zgradi Centra.

U JU Centar za kulturu Lukavac trenutno radi 28 uposlenika, raspoređenih u raznim oblastima i zadacima, u administrativnom, tehničkom, sportskom i bibliotečkom odjeljenju.

Programom rada za 2024. godinu, obuhvaćeni su aspekti rada Centra za kulturu Lukavac koji kontinuirano doprinose razvoju i boljem funkcionisanju Ustanove. Rad Ustanove, uz osnovne djelatnosti, obuhvata dnevnu, sedmičnu, mjesečnu i godišnju pripremu i realizaciju niza različitih sadržaja poput koncerata, pozorišnih predstava za djecu i odrasle, projekcija filmova, promocija knjiga, izložbi slika i umjetničkih fotografija, realizovanja programa u saradnji sa osnovnim i srednjim školama, organizovanja velikog broja studija i radionica za djecu i odrasle, pružanje usluga korisnicima Gradske biblioteke, Čitaonice i Zavičajne zbirke, kontinuirana obrada i smještanje bibliotečke građe, nabavka knjiga i opreme, rekonstrukcija i uređenje postojećih prostorija, realizovanje različitih sportskih i rekreativnih sadržaja.

1. REALIZACIJA ZADATAKA U SKLADU SA OSNOVNOM DJELATNOŠĆU JAVNE USTANOVE CENTAR ZA KULTURU LUKAVAC

Javna ustanova Centar za kulturu Lukavac registrovana je za rad umjetničkih objekata, izvođačku umjetnost, djelatnost muzeja, obrazovanje i poučavanje u području kulture, sporta i rekreacije, djelatnost prikazivanja filmova, djelatnost biblioteke i arhiva, izdavačku djelatnost, itd.

Shodno tome, svakodnevno će se pružati različite usluge korisnicima i svim stanovnicima sa područja cjelokupnog lukavačkog područja ali i šire, uprkos brojnim poteškoćama u radu.

Problemi sa kojim se Centar za kulturu suočavao tokom 2023. godine odnosili su se uglavnom na dugovanja korisnika po osnovu zakupa, nastalih u prethodnom periodu, ali i problemima sa infrastukturom, problematikom sa dotrajalom opremom, sistemom za grijanje, vatrozaštitnom opremom, obzirom da ne rade hidranti, zatim problemi prokišnjavanja krova u Velikoj Sali i dijela krova iznad kuglane, te nedostatak radijatora za zagrijavanje Velike sale.

U godini iza nas Centar za kulturu napravio je značajni iskorak u kulturološkom, ali i na infrastrukturnom planu. U tekućoj godini, Centar za kulturu će nastaviti raditi na podizanju svijesti o značaju kulture i umjetnosti raznih oblika, kroz organizaciju umjetničkih sadržaja, promocija, radionica, ali i produkciji novih sadržaja koji ima za cilj populariziranje suštinske vrijednosti umjetnosti na području Grada Lukavac.

Svi poslovi u okviru djelatnosti realizovat će se u skladu sa Pravilima ustanove, Pravilnikom o radu, Pravilnikom o unutrašnjoj organizaciji i sistematizaciji radnih mjesta, Pravilnikom o platama i drugim naknadama koje nemaju karakter plate i ostalih opštih akata koji se donose i mjenjaju u okviru ustanove tokom kalendarske godine a sve u skladu sa Zakonom o radu, Zakonom o ustanovama i drugim zakonskim i podzakonskim aktima koji regulišu rad ustanova. Procedura izmjene akata Ustanove, uz nadzor Službe za društvene djelatnosti i upravu Grada Lukavac je u toku i očekujemo realizaciju predmetnih aktivnosti u prvom kvartalu 2024. godine.

2. PROGRAMSKE AKTIVNOSTI IZ OBLASTI KULTURE, UMJETNOSTI I EDUKACIJE

Brojne aktivnosti koje Centar za kulturu Lukavac priprema za 2024. godinu će biti realizovane samostalno ili u okviru planiranih manifestacija i obilježavanja značajnih datuma. S ciljem unapređenja kulturološke slike našega grada, u prvim mjesecima tekuće godine planirana su gostovanja umjetnika poznatih i priznatih u regionu, realizovanje različitih cabaret sadržaja, izložbe slika, gostovanja književnika kao i edukativna predavanja.

Nakon završetka procedure izmjene potrebnih akata Ustanove, pristupit ćemo objavljivanju Javnog poziva na koji se mogu prijaviti svi umjetnici, izvođači i

kulturni stvaraoci a na taj način ćemo biti u prilici da tačno definišemo sadržaj svake manifestacije i pojedinačnih događaja koje ćemo realizovati u tekućoj godini. Odluku o izboru izvođača i učesnika u okviru manifestacija i pojedinačnih događaja donosit će stručna komisija, koja će biti formirana nakon raspisivanja Javnog poziva.

Uz navedeno, sezonu 2024. godine podijelit ćemo na pet etapa, kroz organizaciju umjetničkih sadržaja:

- Festival pozorišta za djecu
- Festival „Pet dana komedije“
- Pjesnički memorijali
- Dani Asima Horozića
- Centar za zdravo i kreativno odrastanje

Uz realizovanje poslova neophodnih za neometano funkcionisanje ustanove, navedene manifestacije će kroz razne umjetničke sadržaje popularizirati sve oblike umjetnosti, muzičku, scensku, filmsku, likovnu, ali i književno stvaralaštvo, uzimajući u obzir potrebe djece, mladih ali i građanstvo srednje i starije životne dobi.

2.1 FESTIVAL POZORIŠTA ZA DJECU

Festival pozorišta za djecu izuzetna je prilika afirmiranja umjetnosti i obrazovanja kroz igru i mnogobrojne programe, kao i prezentiranje novih dostignuća u oblasti teatra, glume, muzike, književnosti, interaktivnih znanja...

Posebnost ovog Festivala leži u tome da je potpuno profesionaliziran, te da je u potpunosti posvećen djeci i mladima, a kroz festival se pomno biraju profesionalne predstave za djecu, zatim raspisani javni pozivi za najbolja dostignuća u oblasti književnosti za djecu, kao i promovisanje književnosti iz oblasti teatarske umjetnosti za djecu.

Osnovni cilj Festivala je uvođenje djece u svijet umjetnosti, razvijanje socijalnih vještina, sklanjanje djece „sa ulice“ i odmicanje od prekomjernog korištenja kompjutera, razvijanje kritičkog mišljenja, otkrivanje tuđih i vlastitih talenata, uspostavljanje prijateljskih i poslovnih veza.

Zadaci projekta su:

- afirmacija umjetničkog stvaralaštva za djecu,
- popularizacija scenske umjetnosti kod djece i mladih,

- promovisanje umjetnosti i razvijanje kulturne svijesti djece i mladih,
- rad na edukaciji djece i mladih o značaju i svrsishodnosti umjetnosti i kulture,
- podsticanje teatarskih kuća i trupa na produkciju predstava za djecu,
- uspostavljanje saradnje i povezanje umjetnika i stvaraoca iz sfere muzike, dramske umjetnosti, likovne umjetnosti, književnosti i dr.

Vizija Festivala je okupiti pojedince, kolektive i organizacije koji svojim djelovanjem zajedno i ustrajno potiču umjetnost i neformalno obrazovanje za djecu i mlade, te ističu njihovu važnost za razvoj pojedinaca i društva u cjelini. Svi znamo da djeca u pozorištu tačno prepoznaju koji je lik loš, a koji dobar. Ona nepogrešivo prepoznaju dobro i zlo. I upravo ih zbog toga trebamo, da pomognu nama odraslima. Stoga želimo da Festival bude njihovo mjesto, u nadi da ćemo tako stvoriti ljepši svijet. Mi duboko vjerujemo da umjetnost mora biti dostupna svakom djetetu. Festival formira vlastiti stil, vlastito repertoarsko umijeće uhodanim i efikasnim načinom rada, te činjenicom da formira svoju publiku. Pored slobodnih, planirano je i organizirano gledanje predstava za djecu, gdje bi ostvarili saradnju sa školama. Iz dosadašnjeg iskustva, učenici su izuzetno zainteresirani da sudjeluju kao promatrači, ali i aktivni učesnici Festivala. To je publika koja sazrijeva skupa sa svojim vršnjacima, drugovima i drugaricama iz školskih klupa iz raznih sredina. Publika koja uči nove stvari, razvija svoj kritički stav, shvata da Festival nije samo dosadni domaći zadatak koji se mora obaviti po nalogu profesorice, već nešto što može biti zabavno, privlačno, blisko i edukativno.

2.2. FESTIVAL „PET DANA KOMEDIJE“

Festival „Pet dana komedije“, Lukavac 2024. planiran je kao u potpunosti profesionaliziran festival, takmičarskog karaktera. Stručni žiri će birati najbolju predstavu, najboljeg glumca i glumicu, te najbolju muziku, scenografiju i kostim, dok će publika birati najbolju predstavu po ocjeni publike. Članovi stručnog žirija biće istaknuti umjetnici iz oblasti pozorišne umjetnosti. Predstave bi bile selektovane spram kvaliteta, kroz formalne i neformalne pozorišne ansamble iz regiona, koje se izvode na jezicima naroda koji žive u BiH. Cilj festivala je popularizirati teatarsku umjetnost kroz najpopularniji pozorišni žanr, a obzirom da smo dosadašnjim radom uvidjeli da publika najradije dolazi na predstave komičnog sadržaja. Plan je da festival bude koncipiran na način da ima glavni i popratni program te da ujedini teatarske kuće i ansamble iz BiH, Hrvatske, Srbije i Crne Gore. U glavnom programu su predstave koje se takmiče za nagrade, a u

popratnom predstave koje ne ulaze u takmičarski program, kao npr. organizirane predstave za škole i sl.

2.3 PJESNIČKI MEMORIJALI

Ove godine planiramo održavanje tri pjesnička memorijala. Prvi od njih održava se krajem februara već devetu godinu zaredom a riječ je o manifestaciji „Staza života Atifa Kujundžića“. Književnika Atifa Kujundžića cijenili su u Bosni i Hercegovini ali i šire. Napisao je više od pedeset knjiga poezije, proze, esejistike i publicistike. Zastupljen je u mnogim tekstovima u udžbenicima za osnovnu školu. Dobitnik je prve godišnje književne nagrade za dječije i književno stvaralaštvo za mlade, koju dodjeljuje Društvo pisaca Bosne i Hercegovine.

Na samom kraju marta obilježiti ćemo i najdugotrajniji memorijal na našim prostorima a riječ je o XXXIII Pjesničkom memorijalu „Avdo Mujkić“ u okviru kojeg planiramo, uz učešće učenika OŠ „Puračić“, realizovati prigodne sadržaje kojim ćemo oživjeti sjećanje na lik i djelo Avde Mujkića.

XXIV Memorijalna manifestacija „Bosno moja zemljo majkovanska“ u čast književnika Jusufa Begića planirana je u maju 2024. godine, a prigodnim sadržajima, poput promocija knjiga, nastupa književnika, izložbama, obilježiti ćemo sjećanje na našeg sugrađanina, književnika i dugogodišnjeg uposlenika i rukovodioca lukavačke biblioteke, Jusufa Begića.

2.4. DANI ASIMA HOROZIĆA

U periodu od 22. do 25. novembra Centar za kulturu Lukavac planira realizaciju festivala ozbiljne muzike „Dani Asima Horozića“.

Shodno tome da je premijerno izdanje festivala 2023. godine izazvalo iznimno pozitivne reakcije, kako publike tako i medija širom Bosne i Hercegovine, intencija Centra za kulturu jeste da pomenuti festival preraste u tradicionalni događaj u Gradu Lukavcu.

Cilje festivala je višestruk; od čuvanja od nezaborava imena najvećeg kompozitora ozbiljne muzike BiH - profesora Asim Horozića, preko pružanja prilike umjetnicima iz domena klasične muzike da bivaju gosti u Gradu Lukavac te svoju umjetnost dijele sa publikom, do edukacije same publike o važnosti dijela kompozitora Asim Horozića kao i edukacije u domenu klasične muzike sveopšte.

U drugom izdanje festivala „Dani Asima Horozića“ plan je realizovati premijernu izvedu u Lukavcu koncerta za klarinet i orkestar „Kapija“ u saradnji sa Sarajevskom filharmonijom ili premijernu izvedbu opere „Zmaj od Bosne“, kao i samostalne recitale u cilju promocije dijela kompozitora Asima Horozića.

2.5. REDOVNI REPEROTAR

Redovni repertoar Centra za kulturu je mjesečni repertoar umjetničkih sadržaja koji su koncipirani na način da svake sedmice publika uživa u kulturnim sadržajima, promocijama knjiga, predstavama, koncertima klasične muzike, izložbama i sl. Formiranje repertoara se vrši isključivo mjesec dana unaprijed, u skladu sa aktuelnim umjetničkim dostignućima u BiH i inostranstvu, a u skladu sa visokim umjetničkim standardima i normama i raspoloživim finansijskim sredstvima. Redovni repertoar bi se finansirao dijelom iz vlastitih prihoda, od prodaje ulaznica, a dijelom iz Budžeta.

3. CENTAR ZA ZDRAVO I KREATIVNO ODRASTANJE

U umjetničko-obrazovnom dijelu, Centar za kulturu Lukavac će i tokom 2024. godine nastaviti sa projektom Centra za zdravo i kreativno odrastanje, koji je u potpunosti samofinansirajući.

Nakon što su renovirane prostorije Baletne i Multimedijalne sale, te nabavljeni instrumenti za muzičke radionice, Centar može profesionalizirati Centar za zdravo i kreativno odrastanje sa najvišim umjetničko-obrazovnim standardima.

Centar za kulturu pokrenuo je, još prije dvije godine, aktivnosti na otvaranju Centra za zdravo i kreativno odrastanje, a zainteresovanost javnosti je izuzetna i motivirajuća za daljnji rad.

Veliki broj prijava na samom početku opravdao je potrebu za pokretanjem ovog Centra, zbog čega ćemo i u 2024. godini raspisati poziv za prijave djece od četiri do petnaest godina.

Centar za zdravo i kreativno odrastanje je skup kreativnih radionica, koje imaju za cilj promociju i afirmaciju kulture i umjetnosti kod najmlađih, i to na njima najprihvatljiviji način, kroz igru i zabavu.

U okviru Centra za zdravo i kreativno odrastanje pokrenut je rad sljedećih studija/radionica:

- Studio gitare
- Studio violine
- Studio klavira
- Studio baleta
- Studio klasičnog plesa
- Studio engleskog jezika
- Studio njemačkog jezika
- Studio glume
- Dječiji hor

U 2024. godini ponovo pokrećemo rad različitih studija za koje najmlađi pokažu najveći interes, a predavači u okviru studija i radionica će i dalje biti eminentni profesori i stručnjaci iz svoje oblasti, kako bismo djeci i mladima pružili što kvalitetniju edukaciju koja će im pomoći u budućem intelektualnom razvoju, a Centar za kulturu Lukavac ponovo učinili mjestom gdje mladi rado dolaze, uče, stvaraju, razvijaju se.

Na samom kraju kalendarske godine predviđeno je da rezultate ostvarene u okviru studija i radionica prezentujemo kroz događaj koji ćemo nazvati Dan dječije radosti, a u okviru kojeg će se naši najmlađi publici predstaviti različitim scenskim nastupima.

4. REALIZACIJA SADRŽAJA U OKVIRU RADA GRADSKE BIBLIOTEKE

Kroz rad Gradske biblioteke realizuju se svakodnevni, kontinuirani poslovi u Pozajmnom odjeljenju, Čitaonici, Zavičajnoj sobi, zatim poslovi koji se tiču prijema i obrade knjižne građe, promocija knjiga, te saradnje sa osnovnim, srednjim školama i predškolskim ustanovama na području Lukavca.

Kontinuirano ćemo pružati sve potrebne bibliotečke usluge korisnicima Pozajmnog odjeljenja, Čitaonice, koja je uz potrebnu literaturu, opremljena i računarima, printerom i besplatnim pristupom internetu, kao i Zavičajne zbirke koja raspolaže velikim brojem eksponata a dodatno je obogaćena arheološkim artefaktima pronađenim na lokalitetu Bokavići 1951. godine a starost im se procjenjuje na više od 3000 godina.

Novitet u radu Gradske biblioteke ove godine će biti pokretanje Kluba čitalaca, čiji rad će biti realizovan u saradnji sa prof. Ismetom Džibrić i brojnim drugim

profesorima, nastavnicima, učiteljima i učiteljicama, a plan je, uz aktuelne naslove, uključivati što više tema koje se tiču lektirnih naslova.

S obzirom na punopravno članstvo Gradske biblioteke u COBISS sistemu BiH, obrada i katalogizacija knjižne građe vršit će se i tokom 2024. godine u elektronskoj formi sa elektronskim inventarnim knjigama, što će svakako modernizirati rad biblioteke i olakšati put knjige do krajnjeg korisnika, te uposlenicima omogućiti potpuniji i sveobuhvatniji uvid u raspoloživost knjižnog fonda.

Tokom oktobra – mjeseca knjige, kao i prošle godine planirano je donošenje odluke o besplatnom učlanjenju u Gradsku biblioteku, čime iz godine u godinu, radimo na popularizovanju čitanja među mlađom populacijom, posebno učenicima osnovnih i srednjih škola. U navedenom mjesecu planirana je i realizacija brojnih posjeta učenika Gradskoj biblioteci, a prošlogodišnje iskustvo pokazuje da su za sadržaje u okviru naše Ustanove zainteresovani i učenici i nastavnici iz škola mimo lukavačkog područja.

I ove godine ćemo raditi na kreiranju različitih sadržaja u okviru obilježavanja značajnih datuma kao što su Dan maternjeg jezika, Svjetski dan poezije, Svjetski dana knjige i autorskih prava, Međunarodnog dana dječije knjige, Međunarodnog dana djece oboljele i liječene od raka, Svjetskog dana autizma i mnogih drugih značajnih datuma.

Kroz rad Gradske biblioteke bit će obuhvaćeno i organizovanje nekoliko pjesničkih večeri, gdje svake godine ugostimo brojne pjesnike sa područja našega grada ali i sa područja cijele Bosne i Hercegovine i regiona, što svakako opravdava status Lukavca kao Grada pjesnika.

Uz sve navedeno, sastavni dio programskog sadržaja Centra za kulturu Lukavac bit će i održavanje promocija velikog broja djela različite tematike. U pripremi je i održavanje nekoliko javnih tribina o značajnim temama, poput borbe protiv različitih oblika karcinoma ili međuvršnjačkog nasilja.

U okviru obilježavanja značajnih datuma, nastavit ćemo dobru saradnju sa Gradskom upravom Lukavac, osnovnim i srednjim školama, kao i predškolskim ustanovama na području Lukavca ali i brojnim udruženjima, jer je prepoznat interes za saradnju, a svaki događaj zahtijeva angažman stručnjaka iz određene oblasti, a mladi pokazuju zavidan stepen kreativnosti kroz različite forme nastupa.

Kulturni sadržaj dodatno će obogatiti i planirane izložbe slika i fotografija brojnih umjetnika i umjetnica sa našeg užeg i šireg područja sa kojima svakodnevno radimo na uspostavljanju saradnje.

5. REALIZACIJA SPORTSKO - REKREATIVNIH SADRŽAJA

Centar za kulturu Lukavac u svojim okvirima djelovanja nudi i korištenje Sportske dvorane, Male sale i Kuglane za bavljenje različitim vrstama sportsko – rekreativnih aktivnosti.

Tokom kalendarske godine u navedenim prostorima će biti omogućeno treniranje, održavanje sportskih takmičenja, organizacija seminara, turnira i ostalih sportskih i rekreativnih sadržaja svim sportskim klubovima koji djeluju na prostoru Grada Lukavac.

Sportske manifestacije u 2024. godini podijelit ćemo u nekoliko faza, kroz organizaciju programskih sadržaja Centra za kulturu Lukavac:

- planiramo promociju i prezentaciju raznih sportova
- planirano je održavanje utrke „GRADSKI KROS“
- Centar za kulturu Lukavac planira održati obuku skijanja za mališane (ukoliko vremenske prilike budu pogodovale realizaciji)
- Ostali sportski događaji koji se održavaju u Sportskoj dvorani u Centru za kulturu Lukavac u toku 2023 godine

Planiramo promociju i prezentaciju sportova na gradskom šetalištu i poligonima (odbojka, košarka, fudbal, rukomet, borilački sportovi, ribolov na suhom ...). Ova manifestacija će trajati nekoliko dana, a priliku za učešće imat će, kako najmlađi, tako i svi ostali sugrađani i posjetioци našega grada.

Planiramo održati utrku pod nazivom „GRADSKI KROS“. Posebno pripremljena utrka odvijat će se ulicama Lukavca a obuhvatit će sve uzraste. Utrka će biti takmičarskog i revijalnog tipa tako da učešće mogu uzeti svi posjetioци manifestacije. S obzirom na činjenicu da utrku planiramo realizovati na ulicama grada Lukavca iste će biti zatvorene na nekoliko sati.

Tokom zime planiramo obuku skijanja za najmlađe, koja će biti realizovana na „Brdu panjići“ u centru Lukavca. Cilj nam je, za ove namjene, obezbjediti što veći broj skija, pancERICA i štapova za mališane, kako bi što veći broj njih bilo u prilici uzeti učešće u ovoj izuzetno zanimljivoj i korisnoj manifestaciji. Naravno, treba napomenuti da će se obuka realizovati isključivo ukoliko vremenske prilike budu pogodovale, tačnije ako zimski mjeseci donesu dovoljno snježnih padavina.

Uz navedeno, posebnu pažnju ćemo posvetiti pripremi i organizaciji ostalih sportskih događaja koji se održavaju u Sportskoj dvorani Centra za kulturu

Lukavac u toku 2024 godine. Pod ostalim sportskim događajima podrazumijevamo razna sportska prvenstva, turnire, lige, trenazne procese i sl., koji se odvijaju u Sportskoj dvorani po prethodno utvrđenom kalendaru.

Manifestacije će kroz razne sportske događaje popularizirati sve oblike sporta i omasoviti sportske kolektive.

6. OBILJEŽAVANJE ZNAČAJNIH DATUMA

Programske aktivnosti koje realizuje Centar za kulturu Lukavac iz godine u godinu obuhvataju i sadržaje kojima se na prigodan način obilježavaju datumi značajni za Bosnu i Hercegovinu, sam Grad Lukavac, ali i međunarodno značajni datumi. Pomno biranim sadržajima obilježavaju se 1. mart – Dan nezavisnosti BiH, 25. novembar – Dan državnosti BiH, zatim Obilježavanje dana našega grada kroz manifestaciju Septembarski dani Grada Lukavac, 8. mart – Međunarodni dan žena, ali i mnogi drugi, poput Međunarodnog dana djece oboljele i liječene od raka, Svjetskog dana poezije, Dana maternjeg jezika i mnogih drugih.

7. APLICIRANJE NA PROJEKTE KOD VIŠIH NIVOVA VLASTI

Centar za kulturu Lukavac je tokom 2023. godine aplicirao na projekte viših nivoa vlasti.

Uzimajući u obzir činjenicu da smo vratili sva dugovanja po osnovu poreza, tokom 2024. godine očekujemo sufinansiranje i sa viših nivoa vlasti. Prijavit ćemo se za finansiranje projekata koje svake godine raspisuje Ministarstvo za kulturu, sport i mlade TK, Federalno ministarstvo kulture i sporta, Fondacije za muzičke, scenske i likovne umjetnosti, Fondacija za bibliotečku djelatnost i izdavaštvo, kao i na javne pozive Ministarstva civilnih poslova BiH i BH Pošte. Također, planirano je nastaviti saradnju sa Turističkom zajednicom Grada Lukavac kroz zajedničke projekte koji će se realizovati kroz sufinansiranje. Potencijalna sredstva, koja bi mogli dobiti od navedenih projekata, koristit ćemo za poboljšanje uslova rada u Centru za kulturu, rekonstrukciju i adaptaciju prostora, ali i za sufinansiranje manifestacija, kako bismo u što većoj mjeri uspijevali samostalno finansirati kulturne događaje za naše sugrađane

8. INFRASTRUKTURNI PROJEKTI - REKONSTRUKCIJA I ADAPTACIJA PROSTORA U OKVIRU JU CENTAR ZA KULTURU LUKAVAC I NABAVKA OPREME ZA RAD

Kako bi posjetiteljima i korisnicima usluga Centra za kulturu Lukavac pružili što bolje uslove, vlastitim sredstvima realizovana je rekonstrukcija Baletne, Konferencijske, Multimedijalne sale, Gradske galerije „Almir Biković“ i Fojaje. U toku je i rekonstrukcija prostora nekadašnjeg restorana u moderan Cabaret club, a za te namjene smo obezbijedili donacije od lokalnih preduzeća i privatnih lica.

8.1 CABARET KLUB

Kako se kroz zadnji kvartal 2023. godine obavila većina rekonstrukcije i adaptacije novog Cabaret kluba u Centru za kulturu, u 2024. godini plan je dodatno unaprijediti tehničke aspekte prostora kako bi isti pružao što veći spektar usluga našim građanima i posjetiocima te bivao konkurentan na tržištu. Shodno tome neophodna je nabavka projektoru i platna za projekcije kako bi se u pomenutom prostoru mogle realizovati večeri umjetničkog filma, prenosa sportskih i kulturnih sadržaja. Također je planirana nabavka analogne šesnaesto kanalne miksete, DI boxova, dodatna kablaze i rasvjetnih tijela kao bi se gostujućim umjetnicima mogla pružiti što kvalitetnija tehnička podrška pri realizaciji kulturnog i zabavnog programa. Svakako da bi zbog, potencijalnog proširivanja kapaciteta sjedećih mjesta, u toku 2024. godine potencijalno bila neophodna nabavka i dodatnih barskih stolova i stolica.

8.2. VELIKA DVORANA

Ono što je neophodno za nastavak rada Ustanove jeste da se tokom 2024. godine rekonstruiše Velika dvorana Centra za kulturu, tj. da se uredi krov, instalira sistem grijanja i ventilacije, uredi scena, nabave platna za kulise, obezbijede potrebni atesti za opremu, cugove i zavjese, te da restauriramo stolice. Time ćemo znatno povećati broj publike u Centru za kulturu, obzirom da je za kulturne događaje neophodno da publika uživa u ambijentu i prostoru. Svakako da se realizacija ovog iznimno skupog i zahtjevnog rekonstrukcionog poduhvata planira kroz donacije kompanije Lukavac Cement d.o.o. sa kojom je menadžment Centra za kulturu postigao dogovor da kroz iduću kalendarsku 2024. godinu (koja se inače bilježi kao 50. godina od osnivanja pomenute kompanije) u više etapa realizuje obnova, adaptacije i rekonstrukcija prostora Velike dvorane. Završetak radova

planiran je do sredine godine, tačnije 6. mjesca kada pomenuta kompanija realizuje i veliku proslavu svog jubilea kroz različite edukativne, konferencijske, poslovne i zabavne sadržaje upravo u Velikoj dvorani Centra za kulturu Lukavac.

8.3. ŠARENA SALA

Zbog velikog interesa građana za usluge Centra za zdravo i kreativno odrastanje koji već dvije godine djeluje u okviru Centra za kulturu Lukavac kroz razne radionice za djecu od četiri do petnaest godina, u 2024. godini neophodno je proširiti prostorne i tehničke kapacitete unutar JU Centar za kulturu, tačnije na I spratu istog. Tako je plan da se dvije kancelarije (bivša kancelarija Vijeća mladih Lukavac, te galerija nekadašnjeg Art Centra) spoje i pretvore u novu Šarenu salu veličine 70 m². Nova Šarena salu bi bila namjenjena za realizacije različitih muzičkih proba, prostora za vježbanje za lokalne muzičke sekcije, snimanje zvučnih knjiga za slabovidnu djecu, sekcije iz domena filma i video montaže, te također prostora za snimanje podcasta koji je planiran da se kroz 2024. godinu realizuje sa različitim umjetnicima koji bivaju gosti našeg Centra za kulturu. Cilj podcasta bi svakako bio edukativnog karaktera gdje bi se sa sudionicima realizovale tekuće teme iz oblasti vršnjačkog nasilja, maloljetničke delikvencije, femicida i drugih problematika koje su okupirale javni prostor u 2023. godini. Također, cilj podcasta jeste i širenje djelovanja rada Centra za kulturu u domenu društvenih mreža i medija shodno tome da bi se svakaka epizoda Podcasta dijelila na službeni YouTube kanal Centra za kulturu, kao i nudila lokalnoj radio – televiziji, kao i web portalima na emitovanje.

Za potrebu tehničkog osposobljavanja Šarene sale neophodna je nabavka profesionalne kamere i stalka, mikrofona za podcast, profesionalnih studijskih monitora za obradu zvuka, zvučne karte, zvučne izolacije, rasvjete za video snimanje, inventara, te krečenje i ugradnja laminata. Za nabavku opreme neophodno je izdvojiti oko 10.000,00 KM

8.4. NABAVKA DODATNE OPREME ZA VELIKU DVORANU

Kada je riječ o opremi za rad, Centar posjeduje 14 rasvjetnih tijela, iako su mogućnosti neograničene, obzirom na scenu, koja svojom veličinom ima ogroman potencijal. Neophodno je nabaviti najmanje 25 rasvjetnih tijela sa pratećom opremom (kablovi i dimeri). Za nabavku opreme neophodno je izdvojiti oko 20.000,00 KM, kako bi se stvorili optimalni uslovi za kvalitetnu realizaciju

sadržaja u Velikoj Sali JU Centar za kulturu Lukavac. Također, neophodna je nabavka 2 dodatna bass bina / subwoofera kao i dodatnog seta mikrofona i popratne kablaze. Za nabavku zvuče opreme bilo bi neophodno izdvojiti 10.000,00 KM.

8.5. REKONSTRUKCIJA DIJELA KROVA JU CENTAR ZA KULTURU LUKAVAC - IZNAD KUGLANE

Krajem 2023. godine zadesila nas je situacija da je, usljed obilnih padavina, došlo do velikog prokišnjavanja dijela krova iznad kuglane, te je plan da urgentno početkom 2024. godine izvršimo rekonstrukciju pomenutog dijela krova shodno tome da naša Javna ustanove trenutno svoje svakodnevne aktivnosti obavlja u vrlo otežanim uslovima. Naime, veliki broj naših korisnika (ratnih i sportskih udruženja) boravi u kancelarijima koje su pokrivene upravo tim dijelom krova te se Centar suočava sa nedostatkom radnog prostora shodno tome da smo bili prinuđeni da sve udruženja prebacimo u priveremene radne prostore do rješavanja ovog novonastalog problema.

FINANSIJSKI PLAN JU CENTAR ZA KULTURU ZA 2024. GODINU

Planirani rashodi i prihodi po grupama za 2024. godinu, prikazani su u narednim tabelama:

RASHODI	
Plaće i naknade troškova zaposlenih, upravnog odbora i nadzornog odbora	692.917,12 KM
Troškovi režija i održavanje	172.000,00 KM
Troškovi za manifestacije iz oblasti kulture	97.000,00 KM
Troškovi za projekte iz oblasti sporta	10.000,00 KM
Troškovi održavanje zgrade i infrastrukturni projekti-kapitalni izdaci	31.000,00 KM
Obaveze po osnovu poreza prema državi	43.000,00 KM
UKUPNO:	1.103.917,12 KM

PRIHODI	
Budžet grada Lukavac	997.917,12 KM
Prihodi od ulaznica na kulturne i druge manifestacije (koncerti, predstave)	15.000,00 KM
Prihodi od članarina za biblioteku	3.000,00 KM
Prihodi od zakupa prostorija (Centar za kulturu, Sportska dvorana, kuglana)	65.000,00 KM
Prihodi od ugostiteljskih usluga	5.000,00 KM
Viši nivoi vlasti (resorna ministarstva i fondacije)	15.000,00 KM
Prihodi od donacija i sponzorstva	3.000,00 KM
UKUPNO:	1.103.917,12 KM

Planirana sredstva u iznosu od 1.103.917,12 KM raspoređuju se po tabelama kako slijedi:

Plaće i naknade troškova zaposlenih	
Bruto plaće za 28 uposlenika	563.527,52 KM
Topli obrok	76.000,00 KM
Prijevoz	18.000,00 KM
Regres	17.000,00 KM
Naknade za pomoć uposleniciama u slučaju smrti	8.000,00 KM
Naknade Upravnom odboru	5.194,80 KM
Naknade Nadzornom odboru	5.194,80 KM
UKUPNO:	692.917,12 KM
Troškovi režija i održavanja	
Električna energija	80.000,00 KM
Grijanje	34.000,00 KM
Izdaci za vodu i smeće	8.000,00 KM
Održavanje zgrade	50.000,00 KM
UKUPNO:	172.000,00 KM
Troškovi za manifestacije iz oblasti kulture	
Festival pozorišta za djecu	15.000,00 KM
Redovni/mjesečni reportoar Centra za kulturu	20.000,00 KM
Dani komedije	15.000,00 KM
Dani Asima Horozića	17.000,00 KM
Staža života književnika Atifa Kujundžića	1.500,00 KM
Pjesnički memorijal Avdo Mujkić	4.000,00 KM
Memorijal Jusuf Begić	1.500,00 KM
Nabavka knjiga za Gradsku biblioteku	4.000,00 KM
Izdavaštvo (štampanje kataloga, časopisa, izrada CIP-a.)	2.000,00 KM
Vanredne kulturne manifestacije (promocije knjiga, izložbe slika i fotografija, otkup umjetničkih djela)	2.000,00 KM
Obilježavanje značajnih datuma Dan nezavisnosti, Dan državnosti, Dan grada Lukavac i dr.)	15.000,00 KM
UKUPNO:	97.000,00 KM

Troškovi za projekte iz oblasti sporta	
Projekti iz oblasti sporta	10.000,00 KM
UKUPNO:	10.000,00 KM
Troškovi održavanja zgrade i infrastrukturni projekti (Centar za kulturu i Sportska dvorana) – Kapitalni izdaci	
Šarena sala	4.000,00 KM
Rekonstrukcija restorana	10.000,00 KM
Nabavka potrebne opreme za polaznike Centra za zdravo i kreativno odrastanje	10.000,00 KM
Opremanje zvučne sale za snimanje knjiga za slijepe i slabovidne osobe	6.000,00 KM
Nabavka dodatne opreme za veliku dvoranu	30.000,00 KM
Rekonstrukcija dijela krova JU Centar za kulturu iznad kuglane	25.000,00 KM
UKUPNO:	85.000,00 KM
Obaveze po osnovu poreza prema državi	
Porez na dodatnu vrijednost PDV	32.000,00 KM
Porez na dobit za 2023. godinu	7.000,00 KM
Porez na imovinu	8.000,00 KM
UKUPNO:	47.000,00 KM

M.P.

DIREKTOR

Neven Tunjić, bacc.muz.umjetnosti-kompozitor

Predsjednica Upravnog odbora

Samra Turkić Kuduzović, dipl. pravnik

U Lukavcu, 06.12.2023. godine

Broj: 1650/23

**IZVJEŠTAJ O RADU I FINANSIJSKOM POSLOVANJU
TURISTIČKE ZAJEDNICE GRADA LUKAVAC ZA
PERIOD OD 01.01.2023-31.12.2023 GODINE**

Februar, 2024 godine

FINANSIJSKO POSLOVANJE TURISTIČKE ZAJEDNICE GRADA LUKAVAC

Izvještaj o finansijskom poslovanju i izvršenju Godišnjeg programa rada za 2023. godinu, prikaz je obavljenih aktivnosti za period od 01.01.2023. – 31.12.2023. godine, ostvarenih u skladu sa navedenim programom, te odlukama Turističkog vijeća i Skupštine Turističke zajednice Grada Lukavac.

Strategija poslovanja Turističke zajednice Grada Lukavac usmjerena je prema ostvarenju sljedećih ciljeva:

- rad na prepoznatljivosti turističke ponude Grada Lukavac,
- valoriziranje kulturne ponude grada,
- povećanje materijalnog turističkog prometa, unapređenje turističkog proizvoda kroz zajedničke napore sa ugostiteljima/hotelijerima i otvaranje receptivnih agencija,
- podizanje svijesti građanstva o važnosti veće brige o Lukavcu i njegovim prirodnim resursima, te
- jačanju svijesti o važnosti i prednostima turizma te podizanje kvalitete rada u Turističkom uredu.

1. STRUKTURA PRIHODA ZA PERIOD 01.01.2023-31.12.2023 GODINE

Uplata po osnovu članskog doprinosa		Uplata po osnovu boravišne takse doznačena sredstva TZ Lukavac	
100% prihod	70%uplaćenih sredstavaTZ Lukavac	100% prihod	70% uplaćenih sredstava TZ Lukavac
260.566,45 KM	182.396,52 KM	18.390,92 KM	12.873,65 KM
PRIHODI UPLAĆENI PO OSNOVU PROJEKATA (OPĆINA)			10.000,00 KM
UKUPNO UPLAĆENO TZ LUKAVAC: (članarina+boravišna+prihodi iz općine)			205.270,17 KM

U periodu od 01.01.2023. – 31.12.2023. godine Turistička zajednica Tuzlanskog kantona je prikupljena sredstva po osnovu boravišne takse na račun Turističke zajednice Grada Lukavac uplatila finansijska sredstva u visini od 12.873,65 KM .

U periodu od 01.01.2023. – 31.12.2023. godine, Turistička zajednica Tuzlanskog kantona je, prikupljena sredstva po osnovu članskog doprinosa, rasporedila na transakcijski račun Turističke zajednice Grada Lukavac u iznosu od 182.396,52 KM

Ukupan iznos pripadajućih sredstava u obračunatamo periodu po osnovu boravišne takse i članskog doprinosa, uplaćena na transakcijski račun Turističke zajednice Grada Lukavac, iznosila su 205.270,17 KM

2. STRUKTURA RASHODA

U skladu sa Godišnjim programom rada i finansijskim planom za 2023. godinu, finansijska sredstva su utrošena na ime bruto plaća i ostalih materijalnih primanja radnika, izdatke za ostale rashode za radnike .

Ured Turističke zajednice Grada Lukavac je koordinirao izvršenje Godišnjeg programa rada i finansijskog plana, te provodio sve aktivnosti vezane za izvršavanje planiranih i zakonom propisanih zadaća .

U narednoj tabeli (Tabela2.1),prikazani su rashodi za radnike u ovom izvještajnom period.

2.1. Plate i naknade zaposlenika Turističkog ureda Turističke zajednice Grada Lukavac

RED. BR.	OPIS	Re-PLAN ZA 2023. GODINU	VISINA UTROŠENIH SREDSTAVA U PERIODU OD 01.01.- 31.12.2023.	INDEX 3/2 %
0	1	2	3	4
	PLATE I NAKNADE	(KM)	(KM)	%
	Bruto plate	45.000,00	27.352,94	
	Topli obrok	2.400,00	2.149,00	
	Prevoz/Putni nalozi	1.000,00	558,96	
	Regres	400,00	610,00	
	Putne dnevnice	5.000,00	600,37	
	UKUPNO:	48.900,00	31.271,27 KM	

U skladu sa Statutom Turističke zajednice Grada Lukavac, zaposlenici Turističkog ureda Turističke zajednice Grada Lukavac je u datom periodu isplaćeno:

Bruto plate u iznosu od **27.352,94 KM**.

- Naknada zaposlenici na ime toplog obroka iznosi u periodu od 01.01-31.12. 2023. godine po tom osnovu isplaćeno je ukupno **2.149,00 KM**.

- Na ime prevoza, naknada koja je zaposlenicima isplaćena u periodu od 01.01-31.12.2023. iznosi **558,96 KM**.

*Uzimajući u obzir naprijed navedeno, u 2023. godini, Turistički ured je utrošio ukupno **31.271,27 KM** od planiranih **48.900,00 KM**.*

2.2. Naknade organima rada Turističke zajednice Grada Lukavac

Na osnovu člana 13. Stav (6) Statuta Turističke zajednice Grada Lukavac, Skupština Turističke zajednice Grada Lukavac na sjednici održanoj dana 13.10.2022. godine donijela je Odluku o utvrđivanju visine naknade za rad u organima Turističke zajednice Grada Lukavac broj:973/22.

OPIS	PLAN ZA 2023. GODINU	VISINA UTROŠENIH SREDSTAVA U PERIODU OD 01.01.-31.12.2023 GODINE	INDEX
1	2	3	4
Bruto naknade	(KM)	(KM)	%
Skupština Turističke zajednice	3.500,00	2.100,00	
Turističko vijeće	24.000,00	19.250,00	
Nadzorni odbor	2.500,00	650,00	
Ostali troškovi (Ugovor o djelu)	5.000,00	12.800,00	
UKUPNO	35.000,00	34.800,00	

Organima rada Turističke zajednice Grada Lukavac je u periodu od 01.01.-31.12.2023. godine isplaćeno **34.800,00 KM**.

2.3. Materijalni i nematerijalni troškovi Turističkog ureda

Budući da Turistička zajednica Grada Lukavac u svojim aktivnostima potiče obogaćivanje turističke ponude i poboljšanje uslova boravka domaćih i stranih gostiju, Turistički ured projektima i manifestacijama pristupa sa posebnom pažnjom, te im pruža savjetodavnu, propagandnu, logističku i finansijsku podršku. Dio predviđene podrške dodijeljen je projektima i manifestacijama prema sugestijama i u koordinaciji sa Gradom Lukavac, a sve u cilju valorizacije kvalitete i značaja manifestacije. Nastavljena je saradnja sa organizatorima tradicionalnih događaja i manifestacija od čega se posebno ističe Sajam List koji naročito pridonose prepoznatljivosti Lukavaca kao sajamske destinacije sa bogatim sadržajima i zabavom, a koji također generiraju dolaske i noćenja.

Tabelarni prikaz nematerijalnih i materijalnih troškova

RB	Materijalni i nematerijalni troškovi za 2023 godinu	Rashodi Za 2023 157.282,4 KM
1	. Podrška Međunarodnom sajmu turizma i ekologije LIST-Lukavac te drugim manifestacijama koje rade na unapređenju i promociji turizma	73.944,95 KM
2	Projekti javne i druge turističke infrastrukture (izletišta, tematske staze, parkovi, kampovi, igrališta idr)	12.967,00 KM
3	Štampanje/Izrada promotivnog materijala/ baneri, plakati, medijske promocije, Supervodič, GlasTk, RTVTKa	6.403,00 KM
4	Javni poziv LOT 1- Turistička infrastruktura LOT 2- Ekološki projekti u iznosu LOT 3- Ruralni razvoj turizma LOT 4- Ostali projekti u iznosu	LOT1-10.000,00 KM LOT2- 00,00 KM LOT3-5.000,00 KM LOT4-23.167,00 KM UKUPNO 38.167,00 KM
5.	Zakup prostora sa el.energijom	1.608,70 KM
6.	Telefon /Internet, pošta	322,35 KM
7.	Knjigovodstvene usluge	3.510,00 KM
8.	Bankarske usluge	1.035,06 KM
9.	Nabavka sredstava i opreme	8.026,39 KM
10.	Ostali troškovi	11.297,96 KM

2.4. Ukupan rezultat poslovanja

U periodu od 01.01.2023. do 31.12.2023. godine, Turistička zajednica Grada Lukavac, ostvarila je pozitivan finansijski rezultat, što je vidljivo u sljedećoj tabeli:

REZULTAT POSLOVANJA ZA PERIOD OD 01.01.-31.12.2023. GODINE		
Redni broj	Naziv	01.01.-31.12.2023.
		(KM)
1.	Početno stanje na dan 01.01.2023	96.982,04 KM
2.	UKUPNI PRIHODI TZTK-a 01.01-31.12.2023	195.270,17 KM
3.	PRIHODI OD PROJEKATA	10.000,00 KM
4	UKUPNI RASHODI	223.353,67 KM
4.	Stanje na dan 31.12.2023	78.898,57 KM

3. ZAKLJUČAK

U ovom izvještajnom periodu, Turistička zajednica Grada Lukavac, obavljala je sve zadatke utvrđene Zakonom i Statutom. Osiguravajući kvalitetnu promociju turizma kao poželjne razvojne perspektive za Lukavac.

Danas je razvoj turizma u BiH rezultat organskog rasta i inicijative uglavnom privatnog sektora koji često nastupa na tržištu samostalno s malim stepenom integracije i inovacija. Zbog toga je potrebna platforma o saradnji javnog, privatnog i nevladinog sektora u turizmu, u suprotnom suočavamo se sa situacijom neodrživog turizma i pitanjem dostatnosti prihoda u turističkim zajednicama.

Uzimajući u obzir nedavni Prijedlog Zakona o turizmu u FBiH, članski doprinos kao najbitniji prihod, pored boravišne takse, izostavljen je. Time je, praktično, razvoju turizma u našoj zemlji “stavljena omča oko vrata”.

Turistička zajednica Grada Lukavac, u narednom period treba, iznaći mogućnosti za ostvarenje dodatnih prihoda, kako bi ispunila sve kriterije o svrsi postojanja.

S tim u vezi, posebno se nameće potreba kontrole neregistriranih iznajmljivača privatnog smještaja, kako bi se smještajni objekti uveli u zakonske okvire i spriječilo crno tržište i neloyalna konkurencija, posebno uzimajući u obzir da je na teritoriji Grada Lukavac ima dosta neregistrovanih privatnih smještaja

Nakon urađene analize ali i prijava građana i turista o velikom broju nelegalnih smještajnih objekata koji se oglašavaju na online agencijama-internet platformama (Booking, Airbnb itd.) Turistički ured će sa istima, a u saradnji sa nadležnim inspekcijama, kao i ostalim institucijama nadležnim za strane goste koji borave na teritoriji Bosne i Hercegovine, poduzeti akciju borbe protiv crnog tržišta i nezakonitog rada.

Na temelju obrađenih podataka može se zaključiti da se poslovanje Turističke zajednice Grada Lukavac tokom 2021. godine odvijalo izvan okvira planiranih veličina u pozitivnom smislu, odnosno u skladu sa Odlukama Skupštine i Turističkog vijeća Turističke zajednice.

Turistička zajednica je u proteklom periodu ostvarila saradnju te potpisala sporazume o saradnji sa drugim Turističkim zajednicama izvan granica BiH. Na osnovu kojih se namjerava raditi na izvan graničnoj saradnji, uspostavljanju pozitivnih praksi u turizmu koje bi doprinijele razvoju turizma na našoj općini.

Broj: 21 /24

Datum: 26.03.2024.

Predsjednik Skupštine

Turističke zajednice Grada Lukavac

Admir Mosorović



PRIJEDLOG

Na osnovu člana 38. Zakona o upravnom postupku ("Službene novine F BiH", broj 2/98, 48/99 i 61/22) i člana 41. stav 1. tačka 4. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), postupajući po prijedlogu Gradskog pravobranilaštva Lukavac za utvrđivanje Javnog interesa broj: U-33/22 od 06.07.2022. godine, Gradonačelnik putem Službe za urbanizaciju, imovinske i geodetske poslove

P R E D L A Ž E

Da Gradsko vijeće na ____ redovnoj sjednici održanoj dana _____ godine, na osnovu člana 14. stav 4. Zakona eksproprijaciji ("Službene novine FBiH", broj: 70/07, 36/10, 25/12, 8/15 i 34/16), a u vezi sa članom 200. Zakona o upravnom postupku („Službene novine FBiH“, broj: 2/98, 48/99 i 61/22) i člana 32. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), donese

R J E Š E N J E

I. Utvrđuje se da je od **Javnog interesa uređenje i zaštita močvare „Mosorovac“** i da se u tu svrhu može pristupiti potpunoj eksproprijaciji nekretnina označenih kao:

- k.č.br. **773** zvana „Podograda“ Šuma 4. klase u površini od 4.620 m², upisane u pl.br. 522 k.o. Turija, u suposjedu Marjanović (Ratko) Radoslav iz Dervente i Marjanović (Ratko) Ruže iz Mosorovca oboje sa dijelom od po ½ (po novom premjeru), a što po starom premjeru odgovora nekretninama označenim kao **dio** k.č.br. **1354/26** zvana „Brana“ neplodno u površini od 76.200 m², upisana zk.ul.br. 610 k.o. Milino Selo, u vlasništvu Društvena svojina vode i **dio** k.č.br. **1354/13** zvana „Mosorovački lug“ Livada u površini od 7.890 m² i dio k.č.br. **1354/12** zvana „Mosorovački lug“ Livada u površini od 7.940 m² upisane u zk.ul.br. 460 k.o. Milino Selo, u vlasništvu Općina Lukavac - Društvena svojina sa dijelom od 1/1, sa uknjiženim pravom raspolaganja u korist MVP „Spreča“ Tuzla i

-k.č.br. **746** zvana „Okučnica“ Kuća i zgrada i dvorište u površini od 300 m² i k.č.br. **747/1** zvana „Okučnica“ Oranica njiva 5. klase u površini od 4.245 m², upisane u pl.br. 522 k.o. Turija, u suposjedu i suvlasništvu Marjanović (Ratko) Radoslav iz Dervente i Marjanović (Ratko) Ruže iz Mosorovca oboje sa dijelom od po ½ (po novom premjeru), upisane u zk.ul.br. 2012 k.o. Turija.

II. Određuje se da je Grad Lukavac korisnik eksproprijacije.

III. Nadležni organ uprave može provesti postupak potpune eksproprijacije nekretnine navedene u tački I. ovog rješenja.



Obrazloženje

Službi za urbanizaciju, imovinske i geodetske poslove Grada Lukavac obratilo se Gradsko pravobranilaštvo Grada Lukavac sa Prijedlogom za donošenjem Rješenja o utvrđivanju javnog interesa broj: U-33/22 od 06.07.2022. godine, za uređenje i zaštitu močvare „Mosorovac“ u MZ Turija, na nekretninama opisanim u tački I. dispozitiva ovog rješenja.

U okviru obrazloženja podnesenog prijedloga je navedeno da je Služba za investicije i razvoj Grada Lukavac Gradskom pravobranilaštvu dostavila akt broj: 06-45-961-122/22-1 od 05.07.2022. godine kojim traži pokretanje postupka o utvrđivanju javnog interesa za zaštitu prostora oko močvare „Mosorovac“, obzirom da je korisnik eksproprijacije Grad Lukavac, a koju po zakonu zastupa Gradsko pravobranilaštvo.

Uz prijedlog za utvrđivanje javnog interesa dostavljena je slijedeća dokumentacija:

- Zahtjev broj: 06-45-961-122/22-1 od 05.07.2022. godine, izdat o strane Službe za investicije i razvoj Grada Lukavac;
- Elaborat eksproprijacije za parcele označene kao k.č.br. 773, 746, 747/1 k.o. Turija, u cilju uređenja i zaštite močvare Mosorovac broj: 06-27-2984/22 od 06.07.2022. godine, urađen od strane Službe za investicije i razvoj Grada Lukavac;
- Kopija katastarskog plana broj: 05-26-1-2380/22-2 od 05.07.2022. godine, izdat od strane Službe za urbanizaciju, imovinske i geodetske poslove Grada Lukavac;
- Zemljišnoknjižni izvadak zk.ul.br. 460 k.o. Milino Selo od 06.07.2022. godine i zk.ul.br. 2012 k.o. Turija, izdat od strane Zemljišnoknjižnog ureda Općinskog suda u Lukavcu;
- Odgovor na dopis broj: 01-11-141-1347/22 od 04.04.2022. godine, sa zapisnikom o procjeni, izdati od strane Komisije za procjenu vrijednosti nepokretnosti i prava Grada Lukavac i Dopuna akta od 05.07.2022. godine.

U okviru dostavljenog Elaborata, urađenom od strane Službe za investicije i razvoj Grad Lukavac, navedeno je:

Da je Elaborat zasnovan na Strategiji integriranog razvoja općine Lukavac 2019-2027. godine, ključnog strateško-planskog dokumenta općine Lukavac usvojenog na redovnoj sjednici Općinskog vijeća Lukavac održanoj dana 28.12.2018. godine, u kojem se u poglavlju IV. 4. 4. „programi“ navodi da u cilju smanjenja zagađenja vode i tla je planirano „Uređenje i zaštita močvare Mosorovac“, da je cilj da se do kraja 2023. godine, prostor močvare Mosorovac kao zaštićeno područje preda organu upravljanja pod stalni nadzor i kontrolu, da je močvara prepoznata i u Nacrtu Strategije održiviog turizma općine Lukavac kao ambijent za razvoj turističke destinacije i da se razvojni efekti uređenja i zaštite močvare Mosorovac ogledaju u kreiranju okvira za održivi razvoj turizma u smislu zaštite i uređenje prostora.

Odredbom člana 3. Zakona o eksproprijaciji FBiH, propisano je:

„Nekretnina se može ekspropisati kada je to potrebno za izgradnju saobraćajne infrastrukture, privrednih, komunalnih, zdravstvenih, prosvjetnih i objekata kulture, objekata odbrane, uprave i drugih objekata od javnog interesa kada se ocijeni da će se korištenjem nekretnine, za koju se namjerava predložiti eksproprijacija u novoj namjeni postići veća korist od one koja se postizala korištenjem te nekretnine na dosadašnji način.

Nekretnina se može ekspropisati i kada je potrebno radi izvođenja drugih radova od javnog interesa.

Zemljište se ne može ekspropisati u cilju poljoprivredne obrade.“

Odredbom člana 14. stav 4. Zakona o eksproprijaciji FBiH propisano je da Odluku o utvrđivanju javnog interesa za izgradnju objekata ili izvođenja radova na području općine donosi

općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

Odredbom člana 16. Zakona o eksproprijaciji FBiH, propisano je:

„Prijedlog za utvrđivanje javnog interesa za eksproprijaciju podnosi lice koje prema odredbama ovog Zakona može biti korisnik eksproprijacije.

Prijedlog za utvrđivanje javnog interesa podnosi se Vladi, odnosno vladi kantona ili općinskom vijeću putem federalnog, kantonalnog organa uprave ili općinske službe za upravu za imovinsko-pravne poslove, a sadrži elaborat eksproprijacije (geodetsko-katastarski plan područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilju eksproprijacije i druge podatke za utvrđivanje javnog interesa).

Nadležni organ je dužan o prijedlogu za utvrđivanje javnog interesa odlučiti u roku od 60 dana od dana prijema tog prijedloga.

Aktom utvrđivanju javnog interesa, u skladu sa odredbama ovog člana, odredit će se i korisnik eksproprijacije.

Protiv akta o utvrđivanju javnog interesa može se pokrenuti upravni spor kod nadležnog suda osim u slučajevima iz člana 15. ovog Zakona.“

Shodno prethodno navedenom, riješeno je kao u dispozitivu rješenja.

Pouka o pravnom lijeku:

Protiv ovog rješenja može se pokrenuti upravni spor podnošenjem tužbe Kantonalnom sudu u Tuzli, u roku od 30 dana nakon prijema istog. Tužba se podnosi neposredno sudu.

PREDSJEDAVAJUĆI
GRADSKOG VIJEĆA
Suad Salibašić, dipl.ecc.

Dostavljeno:

1. Stranke iz dispozitiva x2,
2. Gradsko pravobranilaštvo,
3. Služba za urbanizaciju, imovinske i geodetske poslove,
4. Službeni glasnik Grada Lukavac,
5. Evidencija x2 i
6. a/a x2.

Broj: 02-27-2444/22

Lukavac, 17.04.2024. godine

Obrađivač:

Služba za urbanizaciju, imovinske i
geodetske poslove
POMOĆNIK GRADONAČELNIKA
Samir Softić, dipl. ing. mašinstva

Predlagač:

GRADONAČELNIK
Dr. sci.Edin Delić

Dostavljeno:

1. Gradsko vijeće,
2. Evidencija i
3. a/a.



PRIJEDLOG

Na osnovu člana 38. Zakona o upravnom postupku ("Službene novine FBiH", broj: 2/98, 48/99 i 61/22) i člana 41. stav 1. tačka 4. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), postupajući po prijedlogu Rudnika uglja „Kreka“ d.o.o. Tuzla za utvrđivanje Javnog interesa broj: 01/03-1-9680/23 od 28.08.2023. godine, Gradonačelniku putem Službe za urbanizaciju, imovinske i geodetske poslove

P R E D L A Ž E

Da Gradsko vijeće na ____ redovnoj sjednici održanoj dana _____ godine, na osnovu člana 14. stav 4. Zakona eksproprijaciji ("Službene novine FBiH", broj: 70/07, 36/10, 25/12, 8/15 i 34/16), a u vezi sa članom 200. Zakona o upravnom postupku („Službene novine FBiH“, broj: 2/98, 48/99 i 61/22) i člana 32. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), donese

R J E Š E N J E

1. Utvrđuje se da je od Javnog interesa napredovanje rudarskih radova na dobijanju uglja i otkrivke u otkopnom prostoru u okviru odobrenog eksploatacionog polja Pogona „Šikulje“ u Lukavcu, a za potrebe Rudnika uglja „Kreka“ u Tuzli, d.o.o. i da se može pristupiti postupku potpune eksproprijacije nekretnina označenih kao:

- k.č.br. **6/1** zvana „Suvat“ Oranica/Njiva 4. klase u površini 2.267 m² i Oranica/Njiva 5. klase u površini 1.104 m² ukupne površine 3.371 m² upisana u pl.br. 3062 k.o. Lukavac, u suposjedu **Hodžić (Rašida) Fadile rođ. Karahmetović iz Lukavca sa dijelom od 1/2 i Jašarević (Rašida) Nesibe rođ. Karahmetović iz Lukavca sa dijelom od 1/2** (po novom premjeru), a po starom premjeru označena kao k.č.br. **923/3** zvana „Krčevina“ Oranica u površini od 3.371 m² upisana u zk.ul.br. 1847 k.o. Lukavac, u vlasništvu Društvena svojina-Općine Lukavac sa dijelom od 1/1;

- k.č.br. **7** zvana „Suvat“ Kuća i zgrada u površini od 74 m² i Dvorište u površini 347 m², te
- k.č. br. **8** zvana „Suvat“ Oranica/Njiva 4. klase u površini 657 m², obje upisane po novom i starom premjeru u pl.br. 4320 k.o. Lukavac i zk.ul.br. 2175 k.o. Lukavac, u posjedu i vlasništvu **Hodžić (Rašida) Fadile rođ. Karahmetović iz Lukavca sa dijelom 1/1;**

- k.č.br. **9** zvana „Suvat“ Kuća i zgrada u površini od 56 m², Dvorište u površini 218 m² i Oranica/Njiva 4. klase u površini 320 m², upisana po novom i starom premjeru u pl.br. 867 k.o. Lukavac i zk.ul.br. 5692 k.o. Lukavac, u suposjedu **Karahmetović (Age) Miralema iz Lukavac sa dijelom od 8/14, Karahmetović (Muhameda) Mirze iz Lukavca sa dijelom od 1/14, Salković**



(Age) Mevle rođ. Karahmetović iz Lukavca sa dijelom od 4/14 i Tokić (Muhameda) Dženane rođ. Karahmetović iz Lukavca sa dijelom od 1/14;

- k.č.br. **10** zvana „Suvat“ Voćnjak 4. klase u površini od 668 m² i
- k.č.br. **11/1** zvana „Suvat“ Pomoćna zgrada u površini od 9 m², Dvorište u površini od 129 m² i Oranica/Njiva 4. klase u površini od 1.144 m², obje upisane po novom i starom premjeru u pl.br. 4901 k.o. Lukavac i zk.ul.br. 10824 k.o. Lukavac, u posjedu i vlasništvu **Karahmetović (Age) Miralema iz Lukavca sa dijelom od 1/1;**

- k.č.br. **11/2** zvana „Suvat“ Oranica/Njiva 4. klase u površini od 1.013 m², upisana po novom i starom premjeru u pl.br. 4903 k.o. Lukavac i zk.ul.br. 10826 k.o. Lukavac, u posjedu i vlasništvu **Salković (Age) Mevle rođ. Karahmetović iz Lukavca sa dijelom od 1/1;**

- k.č.br. **11/3** zvana „Suvat“ Oranica/Njiva 4. klase u površini od 544 m², upisana po novom i starom premjeru u pl.br. 4902 k.o. Lukavac i zk.ul.br. 10825 k.o. Lukavac, u suposjedu i suvlasništvu **Karahmetović (Muhameda) Mirze iz Lukavca sa dijelom od 1/2 i Tokić (Muhameda) Dženane rođ. Karahmetović iz Lukavca sa dijelom od 1/2;**

- k.č.br. **2927** zvana „Njive“ Oranica/Njiva 5. klase u površini od 2.730 m², upisana po novom i starom premjeru u pl.br. 1811 k.o. Lukavac i zk.ul.br. 4080 k.o. Lukavac, u posjedu i vlasništvu **Suljkanović (Sulejmana) Šuhrete rođ. Halilović iz Puračića sa dijelom od 1/1;**

- k.č.br. **2881** zvana „Prisadi“ Oranica/Njiva 5. klase u površini od 4.083m², Oranica/Njiva 6. klase u površini od 3.822 m² i Šuma 4. klase u površini od 555 m² upisana po novom i starom premjeru u pl.br. 286 k.o. Lukavac i zk. ul. br. 1547 k.o. Lukavac, u suposjedu i suvlasništvu **Delić (Hazima) Seada iz Lukavca sa dijelom od 11/20, Delić (Hazima) Suada iz Tuzle sa dijelom od 3/20, Hanifić (Hazima) Fikrete rođ. Delić iz Bistarca sa dijelom od 3/20 i Kovačević (Hazima) Nevzete rođ. Delić iz Lukavca sa dijelom od 3/20;**

- k.č.br. **2858** zvana „Crveno Brdo“ Prilazni put u površini od 5.064 m²,
- k.č.br. **2943/1** zvana „Crveno Brdo“ Prilazni put u površini od 1.257 m²,
- k.č.br. **2947** zvana „Crveno Brdo“ Prilazni put u površini od 535 m² upisane u pl.br. 314 sve k.o. Lukavac, u posjedu Društvena svojina-javni i nekategorisani putevi sa dijelom 1/1, po novom premjeru, a po starom premjeru označene kao k.č.br. **2858** zvana „Crveno Brdo“ Prilazni put u površini od 5.064 m² upisana u zk.ul.br. 4153 k.o. Lukavac, u vlasništvu Javno Dobro sa dijelom 1/1, k.č.br. **2943/1** zvana „Crveno Brdo“ Prilazni put u površini od 1.257 m² upisan u zk.ul.br. 2503 k.o. Lukavac, u vlasništvu Društvena svojina-javni i nekategorisani putevi sa dijelom 1/1 i k.č.br. **2947** zvana „Crveno Brdo“ Prilazni put u površini od 535 m² upisan u zk.ul.br. 3737 k.o. Lukavac, Društvena svojina-javni i nekategorisani putevi sa dijelom 1/1.

2. Određuje se da je Rudnik uglja „Kreka“ d.o.o. Tuzla, korisnik eksproprijacije.

3. Nadležni organ uprave može provesti postupak potpune eksproprijacije nekretnina navedenih u tački 1. ovog rješenja.

O b r a z l o ž e n j e

Službi za urbanizaciju, imovinske i geodetske poslove Grada Lukavac, obratio se Rudnik uglja „Kreka“ d.o.o. Tuzla sa Prijedlogom o utvrđivanju javnog interesa broj: 01/03-1-9680/23 od 28.08.2023. godine i dopunom prijedloga broj 01/03-1-11227/23 od 24.10.2023. godine, u svrhu napredovanja rudarskih radova na dobijanju uglja i otkrivke u otkopnom prostoru u okviru odobrenog eksploatacionog polja Pogona „Šikulje“ u Lukavcu, a za potrebe Rudnika uglja „Kreka“

d.o.o. Tuzli i da se može pristupiti postupku potpune eksproprijacije nekretnina opisanih u tački 1. dispozitiva ovog rješenja, a u skladu sa članom 14. stav IV. Zakona o eksproprijaciji FBiH.

Uz prijedlog za utvrđivanje javnog interesa dostavljena je slijedeća dokumentacija:

- Prijedlog broj: 01/03-1-9680/23 od 28.08.2023. godine, podnešen od strane Rudnik uglja „Kreka“ d.o.o. Tuzla;
- Elaborat eksproprijacije broj: 01/03-1-9738/23 od 31.08.2023. godine, urađen od strane Rudnik uglja „Kreka“ d.o.o. Tuzla;
- Kopije katastarskih planova broj: 05-26-2-1765/2023-19,24,21 svi od 25.05.2023. godine, izdate od strane Službe za urbanizaciju, imovinske i geodetske poslove Grada Lukavac;
- Posjedovni listovi broj: 05-26-2-1765/23-2,4,6,8,10,12,14,16,18 svi od 25.05.2023. godine, izdati od strane Službe za urbanizaciju, imovinske i geodetske poslove Grada Lukavac;
- Zemljišnoknjižni izvadci zk.ul.br. 1847,2175,5692,10824,10826,10825 k.o. Lukavac, svi od 17.10.2023. godine, izdati od strane Zemljišnoknjižnog ureda Općinskog suda u Lukavcu;
- Dopuna Prijedloga broj: 01/03-1-11227/23 od 24.10.2023. godine, podnešena od strane Rudnik uglja „Kreka“ d.o.o. Tuzla;
- Legenda nekretnina predviđenih prijedlogom Općeg interesa, maj 2023. godine.

U okviru dostavljenog Elaborata, urađenog od strane Rudnik uglja „Kreka“ d.o.o. Tuzla navedeno je:

Na osnovu projektno - tehničke dokumentacije Pogona „Šikulje“ u Lukavcu koja obuhvata Glavni rudarski projekat, DRP nastavka eksploatacije uglja i otkrivke u Pogonu „Šikulje“ u Lukavcu rudarsko tehnološki dio (odobren od strane FMERI,UPI/I broj: 06-18-401/19 od 04.10.2019. godine), PRP eksploatacije uglja II krovnog ugljenog sloja na PK „Crveno Brdo“, odobren rješenjem ID za proizvodnju i održavanje broj: 02-374/18 od 27.06.2018. godine, PRP dobijanja otkrivke i uglja diskontinuiranom tehnologijom na južnom dijelu I etaže Pogona „Šikulje“, odobren Rješenjem ID za tehničke poslove broj: 02-742/21 od 16.12.2021. godine, te napredovanja rudarskih radova u otkopnom prostoru u okviru odobrenog eksploatacionog polja Pogona „Šikulje“ u Lukavcu i Godišnjeg plana poslovanja za 2023-2025. godinu, na Pogonu „Šikulje“ u Lukavcu, planirano je napredovanje rudarskih radova na dobijanju uglja i otkrivke na prostoru k.o. Lukavac i to na nekretninama поближе opisanim u tački 1. a prikazane u situacionim kartama koje se nalaze u prilogu elaborata.

Na ovom prostoru vršiti će se rudarski radovi u cilju dobijanja otkrivke i uglja, te je svrha eksproprijacije navedenih nekretnina osiguranje uslova za razvoj rudarskih radova u narednom periodu, a po odobrenoj projektno- tehničkoj dokumentaciji, kako bi se rudarski radovi na dobijanju uglja odvijali bez zastoja.

Cilj eksproprijacije navedenih nekretnina je stvaranje prostora za neometan razvoj rudarskih radova na dobijanju otkrivke i uglja na lokalitetima, kako je to navedeno u predmetnom elaboratu na Pogonu „Šikulje“ u Lukavcu, za potrebe Rudnik uglja „Kreka“ d.o.o. Tuzla u Tuzli.

Odredbom člana 3. Zakona o eksproprijaciji FBiH, propisano je:

„Nekretnina se može eksproprijirati kada je to potrebno za izgradnju saobraćajne infrastrukture, privrednih, komunalnih, zdravstvenih, prosvjetnih i objekata kulture, objekata odbrane, uprave i drugih objekata od javnog interesa kada se ocijeni da će se korištenjem nekretnine, za koju se namjerava predložiti eksproprijacija u novoj namjeni postići veća korist od one koja se postizala korištenjem te nekretnine na dosadašnji način.

Nekretnina se može eksproprijirati i kada je potrebno radi izvođenja drugih radova od javnog interesa.

Zemljište se ne može eksproprijirati u cilju poljoprivredne obrade.“

Odredbom člana 14. stav 4. Zakona o eksproprijaciji FBiH, propisano je da Odluku o utvrđivanju javnog interesa za izgradnju objekata ili izvođenja radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

Odredbom člana 16. Zakona o eksproprijaciji FBiH, propisano je:

„Prijedlog za utvrđivanje javnog interesa za eksproprijaciju podnosi lice koje prema odredbama ovog Zakona može biti korisnik eksproprijacije.

Prijedlog za utvrđivanje javnog interesa podnosi se Vladi, odnosno vladi kantona ili općinskom vijeću putem federalnog, kantonalnog organa uprave ili općinske službe za upravu za imovinsko-pravne poslove, a sadrži elaborat eksproprijacije (geodetsko-katastarski plan područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilju eksproprijacije i druge podatke za utvrđivanje javnog interesa).

Nadležni organ je dužan o prijedlogu za utvrđivanje javnog interesa odlučiti u roku od 60 dana od dana prijema tog prijedloga.

Aktom utvrđivanju javnog interesa, u skladu sa odredbama ovog člana, odredit će se i korisnik eksproprijacije.

Protiv akta o utvrđivanju javnog interesa može se pokrenuti upravni spor kod nadležnog suda osim u slučajevima iz člana 15. ovog Zakona.“

Shodno pretodno navedenom, a na osnovu člana 16. stav 2 Zakona o eksproprijaciji FBiH, obrađen je prijedlog upravnog akta o utvrđivanju javnog interesa u formi rješenja, te je riješeno kao u dispozitivu.

Pouka o pravnom lijeku:

Protiv ovog rješenja može se pokrenuti upravni spor podnošenjem tužbe Kantonalnom sudu u Tuzli, u roku od 30 dana nakon prijema istog. Tužba se podnosi neposredno sudu.

PREDSJEDAVALAČI GRADSKOG VIJEĆA
Suad Salibašić, dipl.ecc.

Dostavljeno:

1. Stranke iz dispozitiva x 20,
2. Gradsko pravobranilaštvo,
3. Služba za urbanizaciju, imovinske i geodetske poslove,
4. Službeni glasnik Grada Lukavac,
5. Evidencija x4 i
6. a/a x2.

Broj: 02-27-2836/23

Lukavac, 04.01.2024. godine

Obradivač:
Služba za urbanizaciju, imovinske i
geodetske poslove
POMOĆNIK GRADONAČELNIKA
Samir Softić, dipl. ing. mašinstva

Predlagač:
GRADONAČELNIK
Dr. sci.Edin Delić

Dostavljeno:

1. Gradsko vijeće,
2. Evidencija i
3. a/a.



PRIJEDLOG

Na osnovu člana 38. Zakona o upravnom postupku ("Službene novine Federacije BiH", broj 2/98, 48/99 i 61/22) i člana 41. stav 1. tačka 4. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), postupajući po zahtjevu Mjesne zajednice Šikulje-Prline broj: 15-03/24 od 15.03.2024. godine, Gradonačelnik putem Službe za urbanizaciju, imovinske i geodetske poslove

P R E D L A Ž E

Da Gradsko vijeće na ____ redovnoj sjednici održanoj dana _____ godine, na osnovu člana 114. Zakona o prostornom uređenju i građenju ("Službene novine TK" broj 6/11, 4/13, 15/13, 3/15, 2/16, 4/17, 22/22 i 20/23), člana 13. stav 1. alineja 5. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i članom 32. stav 1. tačka 5. Statuta općine Lukavac - prečišćeni tekst ("Službeni glasnik općine Lukavac", broj: 5/08 i 1/14), a u vezi sa članom 26. stav 2. Statutarne odluke o organizaciji Grada Lukavac u skladu sa Zakonom o gradu Lukavac („Službeni glasnik Grada Lukavac“, broj: 1/22), donese

Z A K L J U Č A K

Daje se saglasnost Mjesnoj zajednici Šikulje-Prline za izvođenje radova na izgradnji sportskih terena i dječijeg igrališta u Šikuljama, na parceli označenoj po novom premjeru kao k.č.br. **750** zvana „Luka“ Oranica/Njiva 2. klase u površini od 3.759 m² i Oranica/Njiva 3. klase u površini od 1.885 m², upisana u pl.br. 80 k.o. Šikulje, u posjedu Grad Lukavac sa dijelom od 1/1, a što po starom premjeru odgovara parceli označenoj kao k.č.br. **283/3** zvana „Luka“ Oranica u površini od 5.682 m², upisana u zk.ul.br. 616 k.o. Šikulje, u vlasništvu Grad Lukavac sa dijelom od 1/1.

Образложење

Službi za urbanizaciju, imovinske i geodetske poslove Grada Lukavac obratila se Mjesna Zajednica Šikulje-Prline sa zahtjevom broj: 15-03/24 od 15.03.2024. godine, kojim se traži saglasnost za izvođenje radova na izgradnji sportskih terena i dječijeg igrališta u Šikuljama, na nekretnini opisanoj u tački I. dispozitiva ovog zaključka.

U okviru obrazloženja podnesenog zahtjeva navedeno je da se podnosilac zahtjeva obraća ovom organu radi dobijanja potrebne saglasnosti u svrhu podnošenja zahtjev odnosno apliciranja na Jave pozive grada, kantona i drugih nivoa vlasti u svrhu izgradnje sportskih terena i dječijeg igrališta za potrebe mjesne zajednice i područne škole.

Postupajući po navedenom zahtjevu od strane ove Službe izvršen je uvid u posjedovni list broj: 80 k.o. Šikulje, te je utvrđeno da se predmetna nekretnina u katastarskom operatu Grada Lukavac



vodi u posjedu Grada Lukavac sa dijelom od 1/1, te uvid u zemljišnoknjižni izvadak zk.ul.br. 616 k.o. Šikulje, te je utvrđeno da se predmetna nekretnina u Zemljišnoknjižnom uredu Općinskog suda u Lukavcu vodi u vlasništvu Grada Lukavac sa dijelom od 1/1.

Shodno prethodno navedenom, a postupajući po odredbi člana 114. stav 1. alineja 4. Zakona o prostornom uređenju i građenju Tuzlanskog kantona, kojom je propisano da se dokazom o pravu gradnje smatra pisana i ovjerena saglasnost za planiranu izgradnju svih suvlasnika nekretnine, odredbe člana 13. stav 1. alineja 5. Zakona o principima lokalne samouprave u Federaciji Bosne i Hercegovine, a u vezi sa odredbom člana 32. stav 1. tačka 5. Statuta općine Lukavac - prečišćeni tekst, kojima je propisano da Vijeće u okviru svojih nadležnosti donosi Odluke o upravljanju i raspolaganju imovinom Općine, obrađen je prijedlog zaključka koji se dostavlja Gradskom vijeću na razmatranje.

PREDSJEDAVAJUĆI
GRADSKOG VIJEĆA
Suad Salibašić, dipl.ecc.

Dostavljeno:

1. Podnosiocu zahtjeva x2,
2. Gradsko pravobranilaštvo,
3. Služba za urbanizaciju, imovinske i geodetske poslove,
4. Službeni glasnik Grada Lukavac,
5. Evidencija x2 i
6. a/a x2.

Broj: 02-27-1060/24
Lukavac, 16.04.2024. godine

Obradivač
Služba za urbanizaciju, imovinske i
geodetske poslove
POMOĆNIK GRADONAČELNIKA
Samir Softić, dipl. ing. mašinstva

Predlagač
GRADONAČELNIK
Dr. sci. Edin Delić